

ESI - PALLI

A

L



BIBLIOTECA LUCCHESI - PALLI

III.^a SALA

SCAFFALE.....

PLUTEO.....

N.^o CATENA.....

C
VIII
5

Gr. S. 44. XII. 8.



III. C. VIII. 5

VIAGGIO
DI
PARNASO

Poema,

DI
GIVLIO CESARE
CORTESE.



IN NAPOLI,


Per Nouello de Bonis. M.DC.LXVI.

Con licenza de Superiori.

Ad istanza d'Adriano Scultore
all'Insegna di S. Marco.







Lo Poeta à li Leieture.



O N' è possibile,
che quarche trauo
rutto non strida,
e che quarche stren-
ga rotta non se
metta ndozzana,
decenno da quanno
niccà le pouere Mu-
se so deuentate de lo

Lauiparo? da quanno niccà la fontana de
Puorto è Hippocrene? e capo de Monte,
Aonio? à chiste nce vorria pe nnante
pastro na trippa de sette sapate à li morfiente,
e pò vorria che me dechiarassero, à quale
Casale nascertero le noue Sore d'Apollo:
se chillo me dirrà ca Ngrezia, e portarrà
pe testemmonio chillo cecato che cantaie
de Chilleto è d'Alessa, io le dirraggio
pò (se vale pe testemmonio l'autoreta-
te de chillo che spremette quanto haueua
ncuorpo ncoppa lo sonnamento de Roma

4
ma) ca le Muse so latine, ma veccote ca
trasarria pe tierzo quarche Prouenzale, e se
nce farria fare tanto d'vocchie, à mante-
nere, ca sò de lo paese suo, e nce farria
nzammenare Gogliermo Ventadorno, Ar-
naudo Daniello, e cient'autre; sautarria pò
de brocca nò Shiorentino, e ne vorria ve-
dere quanto n'è, proffedianno ca so Tos-
cane, e ghiutarriano a quattro mano Dante, e
lo Petrarca co n'autra mmorra de lo paese;
ne nce perdarriano la coppola à la folla li
Spagnuole, ca se farriano la iostitia cole
mano lloro, e porriano dicere, ca le
Muse so Spagnole, e pe proua nzammenar-
riano lo nmémico lloro Bembo, che chiam-
maie le Muse co lo titolo de donne, quan-
no dicette, Donne c'hauete in man l'alto
gouerno, del Colle di Parnaso; essenno co-
sa chiara, ca schitto chesta natione se nora
co stò titolo de Donne, otra che fortedeficar-
riano la causa lloro co l'autotetate de lo
Conte Salina, de Lope de Vega, de l'Arzi-
glia, de Garzilasso, de Voscano, e d'autre;
ma lo Franzese non monnarria nespola, ca
subbeto vorria commattere a steccato, volen-
no prouare ca sò galle, ò pe dicere meglio
galline, e ca ncoppa li munte Pereneie co-
uano l'oua de li conciette Poeteche, e mo-
strarria perzò ciento testemmonie de lo
Rosa, de lo Birtas, ed'autre, e sicche de
singolo, perzò è chiafeo chillo che bole, che
siano necessariamente de chesta, e de chella
terra,

terra, ca se buono buono conzideranimo, le
 Muse so ghiommente d'alloghiero, ed
 ogn' vno se ne pò seruire pe quarche viag-
 gio, paganno perrò l'alloghiero de tiempo
 perduto, e de goueta rotte, e le pouerelle
 sò portate de carrera mò Ngrezia, mò à
 Shiorezza, mò à Spagna, mò à Franza. e mò
 a Panecnocolo, e spillo pè lo troppo correre
 à scapizzacuollo fanno de chelle ntroppe-
 cate, che se leieno ne le gazzette de li Poe-
 te, che mmarauaglia eie addonca, ca io puro
 à lo Cerriglio de Febo m'haggio allogato
 vna de cheste Ghiolle, e haggio curzo pe fi
 à mò cinco poste? che le manca à Napoli,
 che non pozza isso perzi stirarese la cau-
 za, e dicere, ca le Muse sò nasciute nzino
 ad' isso? e che sia lo vero, corrano puro quan-
 to se voglia ste fegliolè dallo Gance à lo
 Nilo, e da li Nasamune nculo a lo mun-
 no, ca sempe sò de buono retuorno a le
 belle foglia torzute de stò paiele, ch'è la
 vera casa lloro, pocca non c'è tauerna, che
 non haggia lo lauro, non c'è solachianiel-
 lo, ò potecaro, che non haggia la cetola
 non c'è poteca de tentore, che non haggia
 la fontana, non c'è cecato che non canta
 vierze, e le faccia uore, perzò se ne pò tor-
 nare co na mano nuante, e n'atra dereto
 stò mala lingua, & appilare ca n'esce fec-
 cia, pocca accossi è de laude mmerdeuole
 lo scriuere d'vna lingua commo de n'au-
 tra, e puro che lo Poeta saglia à trionfare

ncoppa l'astreco de la Grolia , ped' hauere
 la Giorlanna, poco importa ca nce vâ co leu-
 rera gialla , o verdeuaie. Leite addonca
 sto chilleto, che m'è scappato da le brach-
 addoratelô , e gostatelo , si che la Musa mia
 torne da Smirna , e da Mantoua , dou' è
 ghiuta ad' arrecogliere conciette, pe farere
 n'otra composta co l'acito de Greco de
 Napole , e m'arrecominannô.





CANTO I.

IO canto la montagna de Parnaso ,
E li fonte, e Ciardine c'haue a lato,
E a che mandrullo chi nee saglie a caso
Pe decreto de Febo è neaforchiato,
Musa è la quinta vota, che de naso
Io dongo a st'acqua mò che so assetato ;
Se vuoie crescere tu quanto te deuo,
Famme na gratia siscia mentre veuo,
E tù che saglie, e scinne a boglia toia
Da llà ncoppa, e non haie chi te lo beta,
Segnò D. DIECO, e nnè la gratia soia
Te tene lo gran Rè d'ogne l'poeta ;
O de le Muse cuccopinto, e gioia,
Auloleia dall'A'pè fi a la nzeta ,
Ca si me vene netta, n'autro iuorno
Lo nomme tuo lauoro a meglio tuorno,
Hauca gia co lo tiempo , e co la sciorte
Iocato li meglio anne de la vita,
E perzo fi a li fielece , e le sporte ,
Senza vincere maie nulla partita,
Tristo dinto , e peo fore de la corte ,
Ca pe tutto è Bertù vrenna , ò redita ,
A l'vtemo no cricco desperato
Me disse , muta luoco , e n'uta stato.

Doue iarraggio Nfranza, ò à Lommardia ?
Nigro me ca pe tutto ncè trauaglio ,
Pouera, e nuda vaie Filosofia,
Douonea arriue non t'è dato n'aglio,
Chi la virtù canosce non hà cria ;
Con chi pò dare aiuto , non c'è taglio ,
Pe tutto la fortuna te trabocca ,
E maie non ashie chi te sputa mmocca.

Cossi dicenno venneme ncrapiccio
De ire doue Febo è gran Signore ,
E stà à la serpentina co lo miccio ,
Pe fare bene a ogn'hommo de valore ;
E quanto bello na matina alliccio
Napole mio lassanno, e pe faore
De Febo stisso, allaie lieto, e felice
Nquinnece mise stò viaggio fice.

Nmiezo a lo munno (e dica chi le piace
Ca' Mbeotia , ò à Gragnano sta Lecona)
Senza autro a tuorno na montagna stace ,
Doue non pò saglire ogne perzona ,
Nchesta ne caudo maie, ne friddo face ,
Nchesta maie non chiouelleca, ne trona,
Ma sempe è maggio, e perzò sempe siente
Arraglie de felice , e de contiente.

Ncoppa à la cimma soia è no palazzo ,
O bene mio, che maestria de spanto,
Doue le Muse, è Febo co sollazzo
Ad' ogne tiempo stanno n'riso, e n'canto ,
Non è opera già de quatto à mazzo,
De le fraueche tutte porta vanto,
Che foro fatte a forza de tornise
A tiempo de Romane, ò de Franzise.

Tutto

Tutto de preta pommece, e mautune,
 E' fatto a la zemina lauorato,
 A quatto cante, a quatto torriune,
 Che pare no castiello spiccecato ;
 Saglie a la porta pe tre scantrune ,
 E truoue na cocina a primmo ntrato ,
 Done chi arriua friddo, e s'ashia stracco
 Se pò scarfare, e nchirese lo sacco.

Perche tra l'autre cose degne , e belle,
 Che Febo hà n'vso , primmo che poeta
 Le parle. vò che s'enchia le bodelle,
 Ca non s' accorda Museca, e Dieta,
 O stile de nnauzarese a le stelle ,
 O che piatosa Deita descrita ,
 All'autre parte canta puro, e berna ,
 Ca' allanche se nò spienne a na Tauerna.

Passata sta cocina ashie na sala,
 Dinto na stalla, accanto a na despenza,
 Da llà pe nò recuoncolo se cala
 A no soppegno fatto p' azzellenza ;
 Ecco à na Gallaria vaie pe na scala ;
 (Perdoneme lo Duca de Shioenza)
 Ca chesta a pede chiuppo passa chella
 C'hà tanto nomme , che sia ricca è bella.

Statoe non dico niente ; si pitture ,
 A desfazio de Fidia, e Titiano,
 Libre a bizzessa, à fascio le scritture,
 Quale stampate , e quale fatte a mano,
 Le perne, e gioie à tommola, e mesure ,
 Che nò lo pò contare nciegno humano,
 Lo fanno chille a chi fece Minerva
 Lo vagno d'voglio , e la sepposta d'erua.

Lloco stà Febo, & hà le fore a lato,
Ch'ogn' vna rene mmano no stromieto,
Da na gran corte stace morniato
D'huommene vertoluse a ciento a ciento,
Io dapò che llà ncoppa fui arriuato,
Trafo la porta ch'è d'oro, e d'argiento,
E mmiezo a doie colonne veo no mutto,
Chi trase aseno miezo n'esce tutto.

Passo echiù nnanze, e tanto giro ntorno,
Ch'arriuò doue Febo stea seduto,
E a lo prenzipio hauiette tanto scorno,
Che pe spanto, e stopore restaie muto,
Pò m'addenocchio, e dicole buen inorno,
Ilso m'abbraccia, e dice benmenuto,
Io faccio pche biene, e de che haie voglia,
Frate haie tronato proprio carne, e foglia.

Io lo rengratio, & ilso lebrecaie,
Io voglio che te ioue sto viaggio,
E azzò de me te laude sempe maie,
Ecco t'abbraccio, e azzettote pe paggio,
Va r'arrepola mò, sta sera, ò craie
Voglio c'hagge no buono veueraggio,
Che core pienze, che faciette tanno,
Se be ogne punto me pareua n'anno?

La sera aspetto, comino rauernaro,
Ch'aspetta lo percaccio, e pò non vene,
Ecco lo Sole se ncaforchia a maro,
Foienzo pe li debete, che rene,
Ecco lo preggia l'arba, e lustro, e chiaro
Se mostra, io còto l'hore, ò Dio che pene,
Quanno Febo me chiamma, e bò che trasa
A no bello Ciardino de sta casa.

Lla

Llà tù vide na Rosa moscarella,
Che mmiezo ncè nasciuto no cetrulo ;
Llà bide c'à na Fico troianella
Nce sponta a corneciello lo fasulo :
Vide da na Lattuca mottarella
Scire la Falaughina de Pezzulo,
E da no Milo shiuoccolo, ò Amarena,
Pezze de caso cchiù ca n'è l'arena.
Spallere hà de cocozze, e molegnane,
Pregole de Cetrola , e de Cepolle,
Quatre de mercolella, e maiorane,
Conzierte de vorracce , e fogliamolle,
Pe mmiezo no gran fruscio de fontane ,
Che d'ogne banna l'acqua scorre, e bolle,
Vna tra l'autre ncè de forza granne,
Che pe tre Mascarune l'acqua spanne.
De tutte tre me fece abbeuerare,
Azzò de tre manere io me potesse
A la quintana correre, e prouare
Co tutte li Poete, e Poetesse ,
O acque spotestate, ò acque rare ,
Acque de gran virtù (chi lo credesse?)
Che subbetto stampato nouamente
Fuie no Poeta lubreco azzellente.
Eccote ciento mò griece, e latine,
Ciento ceciliane, e prouenzale ,
Vecco ciento masante shiorentine ,
Che cauzano ad Apollo li stiuale,
Mbrosoliaro cchiù de tre marine ,
Ca sta grazia, c'hauiette, happerò a male,
Decenno che trà lloro entre ndozzana
N'hōmo de Puerto , è cosa troppo strana.

Ma de chello se corzero lo Tasso,
Lo Cariceo, lo Rota, e lo Tansillo,
E Sannazaro fece gran fracasso,
Ch' à fare à punia ncè n ancaie tantillo,
Io co sta spalla subbetto me lasso,
E dico, eilà se bè so peccerillo,
Haggio armo de no granne, e pe natura
Maie de nullo valente appe paura.
Co lecientia d' Apollo a stò paiese
Po veuere chi vole allegramente
O Spagnuolo, ò Todisco, ò sia Franzese,
Vasta che sia de miereto, e balente,
Ca lo Sommiro ch' à fare se mese
Chest' acqua de virtù tant' azzellente,
Pe tutte voze fare la fontana,
No schitto pe la Grezia, e pe Toscana.
Le Muse vanno doue sò chiammate,
Ca nò stanno co buie co lo strommiento,
E quanta vote a me se sò nzeccate
Cose hanno fatto lustre comm' argiento;
Le parole de Napole mpastate
Non songo frate mio d' oro pommiento,
Ma de zuccaro e mele, e famma vola
Se fanno a tutte lengue cannauola.
Ma ca non fosse niente quanto dico,
Mentre che Apollo no l' haue pe male;
Ed' haue gusto, e sta buono cò mmico,
Perche facite vuie de lo fiscale?
Co le chellete vostre io non me ntrico;
Nè ne' haggio che spartire manco sale,
Io scriuo com' io parlo, e la fortuna
Pò portare a me puro s' à la Luna.

Siano

Siano tutte li vuostre e quinci, e vnquanco;
E l'Ostro, e l'Astro: e cotillo, e cotella,
Ch'io pe me tanto non ne voglio manco
De tant' isce bellezze na stizzella,
Tanta patacche hauesse ad ogne Banco,
Quanta haggio vuce a Napole mia bella,
Vuce chiantute de la maglia vecchia,
C'hanno grã forza, ed enchieno l'aurec-
Responnere voleua no Toscano, (chia.

Ma lo Bernia, che steua llà becino,
Nimocca le mese subbeto la mano,
E disse, egli hà raggiõ quest'huomiccino,
Appriello se ne venne chiano chiano
Cesare Caporale Perogino,
E me tiraie, dicenno mazza franca
Da ccà, e dallà, se no ve rompo n'anca.

Quanta remmure! quanta nfettamiente!
Sbattano lloro, viene tui cò mmico,
Ca le parole toie songo strommiento,
Ed io te voglio sempe ped'ammico,
Trase doue è la Famma, haggie l'attiento,
E trase ò pe la chiazza, ò pe lo vico,
Ca poco mporta, ò se ncè vaie vestuto
De panno de Gragnano, ò de Velluto,

Mentre accossi dicea lo Caporale.

Arriuaie à lo Fonte Pegaseo,
Doue se stea lauanno li pedale
Chillo che addefecaie lo Coliseo,
Mentre cantanno cierto matrecale
Stena Anfione co lo Tracio Arseo,
Aspettanno che l'Asceno poeta,
Comm' hauea ditto, eacasse moneta.

Le Muse ntuorno ntuorno haneano stife
Li mantefine pe se le pigliare,
Ca le Muse perzì vonno tornise,
Quanno da vero voleno cantare ;
Io pe chesto vedere llà me mise ,
Ma ncagno de moneta ecco spilare
Quatto poemma veo de sicco n sicco ,
La Vaiaffeide, Ciullo , Rosa, e Micco.

Ma chelle, e l'autre che boleano agresta ,
Hauenno viste ca nò ne'era taglio,
Se sofero , e scacaro chella festa ,
E de lo canto scompero lo staglio,
E me vennèro a me pe na menesta
Li quattro libre vierde commo n'aglio ,
Che serueno pe fede de Notaro
Ca le Muse co inimico prattecaro.

Io stoppafatto de vedere chello
C'hauea veduto , disse ò Caporale
Non me fare vorà lo celleuriello ,
Di commo fa ste cose st'animale ?
E dimme s'è cauallo , ò s'èie auciello,
Pocca ha le scelle che buie chiammar' ale?
E' no ciuccio disse islo, e fa ste proue ,
Pe preueleggio che le deze Gione.

Quanno chille Giagan e caparrune
Huommene gruosse de la maglia antica,
Pe fare co li Deie a secozzune
Fecero chella tanto gran fatica ,
Ammontonanno chille gran perrune
Pe se ne ire fi ncielo nlettica,
Gione li suore che stenuano ccà nterra
Chiammaie, che se screuessero a la guerra?

Satore, Semeleie, Faune, e Seruane
A la ncorza nce iero tutte quante,
Lassanno munte, vuolsche, grutte, e tane,
Che foro vñ quanta fra canalle, e fante,
La nfantaria nce voze tre semmane
Ad arriuare, l'autre iero nnante,
Perche iezero tutte da marchise
Crauaccate à cierte Asene puglise.

Arriuate che foro, voze fare
La mostra, e bisto ch'era assaie fornuto,
A la battaglia facette sonare
Ca lo nnemmico puro era sagliuto,
E se be le poteua vrocioiare
Tutte Gioe da llà co nò sternuto,
Vò vedere sta gente commo vaglia
Pocca è tanto arrogante a la vattaglia.

Li Giagante perzì s'erano puoste,
Commo se deue stare unordenanza,
E tutte quante smargiaffine, e tuoste
Aspettanno lo suono de la danza:
Dice lo capo lloro, so li puoste
Li cieie, iò strippo mò cò chesta lanza
Gioe con tutte li suoie caporale,
E buie mannate l'autre a lo spitale.

Ma perche a le Bagaglie li Giagante
Portato haueano ancora asene assaie;
Chisto aseno de l'autre cchiù arragliante
Che de l'asene nuostre s'addonaie,
Priesto sautanno se facette nnante,
E gorghianno subbero arragliaie,
Chille de Gioe, che chisto sentero,
Ad' arragliare tutte se metterò.

E fa

E facettero tante gran fracasse,
E tale fummo co le besse, e biento,
Che chille vozzacchiune babuasse
Cresero cierto quarche trademiento,
O cadesse lo Cielo, e le shiaccasse
De tale sciorte, che non ioue agniento,
E de paura tutte se cacaro,
E pè chella montagna vrociovaro.

E commo quanno chiove, na gran laua
Aruele, e prete vrocioa, e roina,
Così mentre stà gente vrocioa
Appriesso ogne montagna le strascina,
Che de manera tale le bottraua,
Che cadettero tutte à la Marina,
E biue s'atterraro à chello muollo,
E stanno mò cò le montagne ncuollo.

Ma lò Sommiero che chesto causaie,
Ch'è chitto (commo vide) ccà presente,
Gione da lo pericolo saruaie,
E lo facette poeta valente,
Le dio le scelle, e subbeto volaie,
Dapò che l'happe fatto la patente,
Che pozza li Poete addottorare,
E comm' haie visto poemme sfornare.

S'hauisse voglia farete Dottore
De li poete che stanno Nparnafo,
Pe fare vierze à tutte quante l'hore,
E da coppa, e da vascio, e forte, e adaso,
Se vuoie ch'isso te nnauze, e faccia nore,
Dalle sotto la coda quarche baso,
Ma singhe accuorto frate, e stame attieto
Nò anzare vela quanno shioshia viento.

Io tanno volea dire pe risposta,
 Ca non me curo de m'addottorare,
 Ecco lo Magagnate pe la posta,
 E corzemo dou' era à scrauaccare ;
 Ca portaie ad Apollo na composta
 Che pe parte d'agresta (ò cose rare)
 Ne' erano a la spagnola le chitaire ,
 Li carosielle, le scoppette, e smarre.

Apollo l'appe a caro , ed' ordenaie
 Che stanza, stramma , e lietto se le desse
 E la bella composta se stipaie
 Pe quanno quarche musa prena scesse ;
 Pò se sedette à tauola , e magnaie
 Gran cose, ma fra l'autre certe alleffe
 Dinto li maccarune minottonate ,
 Che lo Coccaio haueua cocenate.

E mentre isso le deta se liccaua,
 E mmocca altre faccanno spotazzella,
 La Serena de Napole cantaua
 De Contrauto na braua Villanella ,
 Nò cierto Giallonardo le sonaua
 L'Arpa, ch'isso accacciaie famosa, e bella ;
 E pe fare conzierto assaie cchiù tunno
 Sonaie lo colascione compà Iunno.





CANTO II.

Somputo c'h'appe Apollo de magnare,
 Non commo fanno cierte cannarute,
 Che de nchire la panza si à crepare
 Teneno pe grannezza, e pe bertute,
 Ma quanto vasta schitto pe campare,
 Commo fanno le gente cchiù sapute,
 Iezemo nuie perzine a lo Tenuello,
 A bedere s'è sano lo vodiello.

Doue magnato hauenzo nuie perzine,
 De lo cchiù, e de lo manco se parlaje,
 E me disse vno, va de duie carrine
 Ca na cosa de niente tu non saie?
 Pocca te picche vi se ncè nnevine,
 De quanto pe lo munno vippeto haie
 Crouara, e Grieco, ed autro shiushio fino
 Quale te pare lo cchiù meglio vino?

Io me teniette tanno sbregognato,
 Non credenzo d'ashiare la risposta,
 Ma quāno ncapo m'happe assaie raspato,
 Fice armo, e disse co na facce tosta,
 No schitto no tarì, ma no docato
 (Se tu vuoie ciammellare) frate apposta,
 Ca ncè nneuino, apre l'arecchie, siente,
 Lo meglio è chillo, che non costa niente,
 Haie

Haie ragione disse illo, e te prommecco
 Ca tenere te puoie homme faccente,
 E boglio mantenere ch'è no becco
 Chi lo contrario dice, e cà ne niente;
 Io pigliato armo mò, niète autro aspecco,
 Pe bolere mostrareme valente;
 E dico, hora decite tutte a tunno,
 Chi è la cchiù cruda Fera de lo munno?
 Chi disse lo Ceruiro, e chi la Lonza,
 Chi l'Vrzo, chi la Tigre, e lo Leone,
 Vn' autro disse, ed io ne'apposto n'onza,
 Ca chisso è Lupo, ò pouero Vracone,
 Io le respòse, hauisse na caionza,
 Lie'te primmo, e studia Varrolo, o Iasone,
 Ca truoue commentato a tutta botta,
 Ca la echiù cruda è chella, che n'è cotta.

Stoppafatte, ed attonete restaro,
 Quanno accossi trincato me vedero,
 E l'vno à l'autro nfacce se mmitaro,
 E no poco scornate se 'solero;
 Lo Caporale mio l'hauette a caro,
 Ca m'era ammico, ed era ammico vero,
 E me portaie cod'isso fi a lo Parco,
 Addoue Apollo iea tiranno d'arco.

Eie lo Parco no bello ciardino,
 Che Pardo, che Ranciuose de Castiglia?
 Che Starza de Caserta, e d'Auellino,
 Doue bisogna fare arco le ciglia?
 Che becino Shiorena Pratolino,
 Che la natura fa ghire a la striglia?
 Tutte chisse so niente à pietto a chisto,
 Ma no lo credarrà chi no l'hà bisto.

Vallu-

Vallune peccerille, e montagnelle, (gne,
Voschette, macchie, e shiùme vide, e ita-
Ccà shiaureiano Rose moscarelle,
Llà t'allegnano l'vocchie li papagne,
Pe l'acqua Anatre, Cigne, e Paparelle,
Liepare, e Crapie sò pe le campagne,
E pe Serue, e pe Grutte, e pe Sepale
Ogne sciorte ncè chiusa d'animale.

Martore à buonne cchiù, coniglie ùh quante,
Le Zoccole, e Foine à mmorra vanno,
Puorce saruagge ncè ne vide tante,
Ch'a contarele manco vasta n'anno,
De cierue ntise ca seie anne nnante
Nc' erano assaie, ma pò facenno danno
Febo le deze ausilio, a pena hauenno
Tiempo no mese a sarcenas coglienno;

Li poverielle affritte, e desperate
Non trouanno recietto pe le serue,
Ch'autre animale haueuano accopate
In coieto possesso d'acque, e d'erue,
Facettero conziglio, e confortate
De dare fine à tante pene acerue,
De pare accordio resorueru nfrutto.
Cercare à le Cità saruo connutto.

Mannaro Mmasciature, e ll'è la sciorte
Sore carnale, & hanno sfatione,
Ca li Sinnece l'apreno le porte,
E accoglieno con granne affrettione,
Chi dalle all'arte, e chi se mette ncorte,
Chi deuenta sanzaro, e chi boffone,
Nzomma ognuno se nnustria pe càpare,
E fa ogne Cieruo commo vede fare.

Npoco

l' poco tiempo mprenaro, e perche spisso
La immagenatione fa lo caso,
Fecero razza, che restaie ammisso
Ogne marito, e ne tornaie maruaso,
Ca nullo figlio è simele à se stisso,
E d'hommo hauea la facce co lo naso,
Cossi foro ncommune de parere,
Ch'accidessero tutte le mogliere.
Ma no Miedeco buono, e letterato
Disse, vascia ste mano, ca cchiù bote
Sto mmedesemo caso s'è trouato,
Ca lo penziero grannemente pote,
Quanno le cerue hauite vuie carcato,
Se bè da l'huommen'erano remmote,
Puro penzanno a lloro fermamente,
Ve so nate li figlie defferente.
Nesto mancaie l'arraggia vneuerzale,
E à sficcagliare alliegro ognuno torna,
Poco a poco la forma bestiale
Se perde, e nullo cchiù nasce cò corna;
Pur'hà non faccio che de l'animale,
Ne pe nciuria, ò vregogna maie se scorna;
Hora facciate mò gente pacchiana,
Perche so tanta cierue nforma homana.
Ma ora à lo Parco mò tornanno a ghire,
Che de tant'animale è zippo, e chino,
Che cierto vide cosa da stopire
Ped'ogne strata, e ped'ogne cammino,
Tra l'aute, siente mò se vuoie stordire,
Ncè no gruosso, e maiale Babuino,
E me contaro cierto no stopore.
Ca chisso ioca a schiasche da dottore.

E che

E che no iuorno stea co lo Boscano
 Iocanno, e che le deze schiaccio matto,
 Chillo pe s' digno bello auza la mano,
 Tuffe no scoppolone tunno, e chiatto,
 Torna à ghiocare, e mentre haue pe man
 (Se ferma) n' altro bello, e digno tratto
 Le tene mente, e stace pauruso,
 E mettese la mano a lo caruso.

Fù d' Apollo, e de l' altre che bedero
 Tale lo riso ch' adesa creparo,
 Ed' accossi redeuno se ne iero,
 E lo Gattornaimone assaie laudaro;
 N fine lo rielto de lo munno è zero,
 Quando non haue lo Parnaso à paro,
 Doue nò schitto l' hommo sape, e ntenne
 Ma n' Aseno perzì scorre, e comprenne.

Pò camminanno no poco cchiù nante,
 Vedenno Apollo se l' addenocchiaie
 L' animale, che chiammano Alifante,
 E fù chillo che Alcippe già figliaie,
 A pollo pò pigliaie, ma cò li guante
 No serpe, che li piede le vasaie,
 Lo serpe, ch' à le guerre Marsiane
 Figliaie na Vaiafella de Romane.

No Leparo pò venne, ch' à la guerra
 De Serse hauea figliato na Iommenta,
 E pè la coda chillo serpe afferra,
 E commattere nzieme fanno nfenta,
 Ch' ogn' animale, che stace llà nterra,
 Pe lo gusto d' Apollo suda, e stenta;
 Pò na Ciaccona na Lopa abballaie,
 E fù chella che Romolo allattaie.

Cchiù

Chiù nante dinto na cert' acqua fresca
Ashiaiamo de Ranonchie no squatrone;
E dissero cantanno à la tedesca,
Gottemorghe mael bonni patrone,
E fecero ad Apòllo na moresca,
Che le piacquette, e diole no cianfrone,
Ch'erano figlie, s'io non faccio arrore,
A Rita figlia de lo Mparatore.

Cocciolianno vennero li cane,
Che comm'aucielle pe l'airo volaro
Lo iorno che le gente maumettanne,
La gran Costantenobole pigliaro,
E dissero ad Apollo, ca lo pane,
Che le deuano ncorte sapea amaro,
Perche li panettiere marranchine
Mmescauano à lo grano li lupine.

Chi quanto se vedette porria dire
Pe tale Parco cose mostruose?
Ped'ogne pizzo te vedue scire
Da ridere, e crepare ciento cose,
Ccà senza capo l'hommo vide ghire
Llà cò doie capo, e doie corna famose,
Chisto hà facce de cane, ò puorco, e chillo
De varuzianne, sportegllione, ò grillo.

Ne' era chi schitto haueua n'occhio nfiòte,
Chi pe parte de vraccia hauea doie scelle,
Chi granne, e gruosso, che pareva no mòte,
Chi tantillo, e reica co le stanfelle,
Vno haueua le gamme nzieme agghiòte,
N'autro le braccia longhe fi à le stelle,
Chillo pare no voie, e chisto ciuccio,
Chillo vozzacchio, e chisto mastro mu ciò

Ma tutto cheſto niente me parette

A' fronte a n'hommo de facce lionata,

C'hauea doie lingue mōcca, e nce facette

Vedere coſa da nullo penzata,

Tutt' a no tiempo co l'vna dicette

Na ſtoria, e co chell'autra na cantata

Fece d'aucielle tanto prencepale,

Che parette d'aucielle natorale.

Da li campe felice che pe ſciorte

(Diſſe) co doppia lingua ſe ragiona,

Io ſò mannato a l'ancorrenno forte

Nnauze a boſtra magnifeca corona,

Perche ſentuto ca ped'ogne corte

Purota doie lingue parla ogne perzona,

Te pregano, che facce banno Regio,

Che nullo aſſurpe tale preuelegio.

Ch'a nuie chiſto è no duono natorale,

Con che meglio ſpalifeca la mente,

A l'autre cie arte, e ſe ne ſerue a male,

Che s'vna è doce, l'autra è pò pognente,

Leua, Signore mio, ſt'vſanza tale,

E no laſſare ſporchia de ſta gente,

Sparaſonna te prego ſta canaglia,

Che nnante coſe, e da dereto taglia,

Cheſto ſentuto Apollo, tanno tanno

Lo penziero a Reſtoſane dēchiara,

Comm'haggia da iettare chillo banno,

Iſſo che fare ſà la Tarantara,

Ecco ciento tù tù ſtordire fanno,

Ecco ca grida ad auta voce, e chiara,

Gorie ogne peccerillo a ſto ciammiello,

E corre ogn' arteſciano, e fa rotello.

Dice

Dice, non sia nesciuno hommo viuente
 De qual se voglia connetione, e stato,
 Che parle cò doie lengue doppiamente,
 Se nò nculo a lo munno è confinato,
 Ecco no strillo, non ne faccio niente:
 Ma nchesto n'autro greciglio s'è leuato,
 E à Febo dice Auidio, benaggia hoie
 Curre ca no sommiero è fatto voie.

Sarrà nà metamorfose de tante,
 Respose Febo, c'haie racuoto, e scritto:
 Se non vide lo vero lloco nante,
 Lebreca, io mora pe non ghire a mitto;
 Crideme ca non sò quarche gnorante,
 Ca chi finedolla chello c'haggio ditto,
 E no le fa la mmidia quarche bezza,
 Troua lo sale dinto la cocozza,

Và Febo a lo remmore chiano chiano,
 E troua l'hortolano da llà ntuorno,
 Che bolea sficcagliare no toscano,
 Che le scaudaua l'vno, e l'autro cuorno,
 Ma quanno vedde Apollo tenne nmano,
 Che no l'hauesse fatto quacche scuorno,
 Se be haue l'vuocchie commo na cometa,
 E l'ammenaccia, e mozzeca le deta.

Apollo, che bedette lo motiuo,
 Comm'à Signore saputo, e prodente,
 Volenno, che n'aterno senga viuio
 Chi ncorte soia resce hommo valente,
 Zennaie lo Shiorentino ch'era arciuo,
 Che se nzeccasse ad isso rente rente,
 Chiàma po l'hortolano, e l'addomanna,
 Qual'è la spina, che lo pogue ncanna.

Viaggio di Parnaso, B Si-

Signore (disse) io songo hommo norato ;
Ne maie fice la strata de Cornito,
Maie Martino da nullo fuie chiammato,
Maie pè nò Cieruo fuie mostrato à dito,
Mò stò Toscano, che sia strascinato,
Cò sta scrofa, che tene lo prodito,
Me vonno fare ntuorno na cartella,
Ch'alloggie co li piccore a forcella.

Ntennette Apollo, che se volea dire,
Ma pe non dare scannaro a le sore,
Dice, mò mò lo cunto puoie scompire,
Ch'io pozza remmediarete a lo nore ,
Trà tanto a lo ciardino tu puoie ghire
Cuoglie fasule , e torna frà doie hore ;
Partuto chiamma a parte la mogliere,
E lo mbruoglio pe filo vò sapere.

Disse essa, puro che me sia saruata
La vita, e che la facce da signore ,
Te farrà tutta quanta scommogliata
La chella, che m'ha puosto a sto rēmore ;
Sto Shiorentino ohimmè co na varrata
Dinto a le chioche m'hà ficcato ammore,
Tu saie lo mulo già capetiato
Chi è, ca manco à tene h'è perdonato.


Io mò, che non potea cchiù semmolare ,
Ca cresceua ogne ghiuorno l'appetito,
Pregaie st'hommo da bene , che raspare
Volessè de sta rognà lo prodito,
Ed isso, ch'è mastrone, e lo sà fare,
Non voze refotare lo partito,
E me disse, che ashiasse tiempo, e luoco
Ca l'acqua isso iettaya à tanto fuoco.

Ma

Ma perche Miccariello sempe maie
 Me venne appriello, e canzo non me deua,
 Tale malitia a chisto nfroccaie,
 Che nnanze ad isso fare lo potua,
 E saglire a na fico l'aiutaie,
 E le disse, che quanno me vedeua,
 Che llà sotto a maritemo parlaua,
 Diceffe commo chillo me mprenaua.
 Fù ditto, e fatto, io chiammo Miccariello,
 E chisto dice, tiente scostomato!
 Non te vreguogne fare lo vordiello
 Co na mogliere a chisto scampagnato?
 E ncapo le tiraie no ficociello,
 Dicenno fuie da lloco sbregognato.
 Micco non sape mò che l'è sortuto,
 E dice a mè, che d'è? chisto è mpazzuto.
 E' mpazzuto na cufece: tù schitto
 Non saie quanto sta fico sape fare:
 Se tu vide cò mmico vno ccà fitto,
 Da llà cierto dirraie me vò mprenare;
 Hora saglience ncoppa zitto zitto,
 Mò ch'isso scenne, e bide che te pare:
 Saglie và, ca dirraie per vita mia,
 Ca chisso fa cò mmico vescazzia.
 E possibele chesso isso decette?
 Nò lo sapea, lo boglio mò vedere,
 E sciso che fù chisto, isso sagliette,
 E nuie duie nce pigliauamo piacere;
 Ma quanno da llà ncoppa isso vedette,
 Disse (ohimè) chesto non è strauedere,
 Chesto è lo vero, ferma tradetore,
 Ferma ch'a tutte duie caccio lo core.

Sta zitto, io le diceua, ch'è la fico,
 Che fa st'affetto, ma pò n'è lo vero,
 Tu faie commo deceua chisto ammico
 De te, che non te ieu a pe penziero:
 Ma sciso, che pare a fauzo unemnico
 Trouaie carreo ancora lo sommiero,
 E compriso, ma tardo, lo corriuo,
 Strilla, e bole de nuie fare no criuo.
 Ne rise Apollo, ma nò spaporaie
 Pe non dare cchiù armo a la trincata;
 E lo Poeta imprefone mannaie,
 Facennole na bona sbrauiata,
 Po la fauz a mogliere connaunaie,
 Che pe tutto Parnaso sia frustata,
 Sì de la fico la fatatione
 Non crede Micco, e fa remmessione.
 Pò disse, ò là chiammateme lo Franco,
 Che benga co lo Modio ncompagnà,
 Ca voglio, che dechiareno a lo mmance
 Chi lo cornuto, e che lo cuorno sia,
 Non se venia lo nigro pe lo ghianco,
 Ch'io pè mè tanto sò de fantasia,
 Che non stenga de l'huommene norate
 La vregogna a le pettole accorciate.
 Pare, ch'Argiento viuo sia lo Nore,
 E stia co la gonnella commogliato,
 E se a quarche guaguina vene horore,
 De se l'aizare, sia sparafonnato,
 Che corpa hà l'hōmo, se l'oro, ò l'ammore
 Chella fa scire da lo semmenato?
 Oh s'isso le dà canzo, e l'hà boluto,
 Tauno sia n' arce becco, arce cornuto.

CAN-



CANTO III.

VEnuto Franco, e Modio a la presentia
 De Febo, prunte assaie pe lo seruire,
 Fecero à la spagnola lleuerentia,
 E che commanna stezero a sentire,
 Lo quale mprimmo fattole accogliencia,
 Le disse, chi de vuie me sape a dire,
 Pè cosa ch'a lo munno assaie besogna
 Se l'hauere le corna sia vregogna?

Franco respòse, iò songo de parere,
 Che l'hauere le corna senga nore,
 E te lo faccio oò l'vocchie abbedere.
 Pocca me lo commanne, ò gran Signore,
 Se lo cchiù de li Deie pe le tenere
 Fecero ciento mbroglic a tutte l'hore,
 Eccote ca le corna sò norate,
 Pocca li meglio Deie l'hanno portate.

Tu saie ca Gioue, ch'è lo capo lloio,
 Quanno se nnammoraie d'Europa bella,
 Non se facette na chioppeta d'oro,
 O commo pote, na lucente stella;
 Ma co doie corna se fece no Toro,
 E portaiela à cauallo senza sella;
 Stimanno, che sia meglio a chi fa festa
 Portare corna, che pennacchio ntesta.

B 3 Quan-

Quanno Acheloo, facette accostiuue
 Cò Ercole, de che se pigliaie scuorno?
 Fuorze ca leuaie buone secozzune
 Che ntommacato'stie cchiù de nò iuorno?
 Non se curaie de chesso, li premmune
 L'abbottaro, perche perdie no cuorno,
 E se tenne pezzente, e sbriegognato,
 Ca schitto cò no cuorno era restato.

Tu saie ca fra le cose cchiù norate,
 Che s'ashiano a lo regno de le stelle,
 Eie la Luna, e puro le so nate
 Ogne mese fi mò le cornecelle,
 E non darria le corna nnargentate,
 Pe quanta sò llà ncoppa cose belle,
 Ed autro, e tanto dicenno a lo tuorno
 Co lo Tauro, Ariete, e Crapecuorno.

E pe li vuosche Pane, e s'antrè gente,
 Che le vaceno appriesso a tutte l'hore,
 Quanto se tene ognuno sia potente
 E a pede chiuppo passare lo Nore?
 E perche? pe le corna solamente,
 Che da la capo soa spontano fore,
 Addonca se sò tanto cosa bona,
 Norato è chi de corna se ncorona.

E pè lo Munno quanta Rrì famuse
 Nce foro che le corna le spontaro,
 Che nò, schitto nò stero vregognuse,
 Ma cchiù norate, e granne se stimaro,
 E quanta nce ne foro mmediuse
 Che pe l'hauere llozo spantecaro?
 Sò cchiù de mille, e gente de rechippo,
 E'nfra l'autre de Talia lo Rrè Cippo.

Lo

Lo quale de l'hauere defiuso

Mentre de Tore na guerra vedeua

S'addormette de sciorte goliuso ,

Che quanno se scetaie le corna haueua ;

Pò sempre che toccaua lo caruso,

Cchiù norato de l'autre se teneua ,

E perche no le fossero arrobbate ,

De corona le renne ntorniate.

Sò disse A pollo ste raggiune vere,

Ma chille c'hoie se chiammano cornute,

Sò chille c'hanno triste le mogliere ,

E fanno che deuentano papute,

Ma c'haggiano a la capo corna vere

Commo chisse, si mò chi l'ha bedute ?

Perrò vorria sapere commo , e quale

So chiammate cornute chisse tale ?

S'io non me gabbo Franco responnette ,

Ogne ricco e potente comm' a stella

Co faure, e denare ncielo mette

Conca haue, e presta la mogliere bella ;

Sforgiano chelle pò, fanno banchette,

Ed hanno sempre chiena la scarzella,

Le dice pò chi sta recchezza vede ,

Cierto lo cuornocopia isso possede.

E s'hà lo cuornocopia , co ragione

Se le pò dire che cornuto sia ;

Non perrò dico schitto a le perzone

Ch'acquistato se l'hanno pe lsa via ;

Hora sentite mò l'openione

De Modio, fuorze vace co la mia :

Dica dicette Apollo : e Modio priesto

Accommenzaie quanno fù miso a siesto.

Signore Apollo mio so de parere ,
Che li tanto ammoruse, ed' abbonate,
Che non hanno pè male de vedere,
Che le mogliere le siano trottate,
Quanno faceno tanto gran piacere,
Da le gente cornute sò chiammate,
Perche tanto coieto, e manzo è fatto,
Che de voie te pare no retratto;
Se me dirraie , le gente valorose ,
Che non vonno ste cose comportare ,
S'hanno mogliere pò proffediose,
Che n'ogne muodo nce le bonno fare ;
Mentre le fanno de muodo annascode,
Che maie non se ne poteno addonare ,
Perche raggione esseno scommogliato,
Puro becco cornuto isso è chiamato?

Mò ve lo dico , da sapere haggiate,
Che quanno Bacco li Gricce faureua,
De tutte quante l'autre gente armate
Isso sulo a lo duppio cchiù baleua ,
Le gente Greche , che non foro sgrate,
Ed' ogn'vno laudare lo voleua,
Pe dire ch'era no valente raro ,
Bacco cornuto sempe lo chiammaro.

Perche cornuto tanno volèa dire
N'hommo forte, e balente co la spata ;
Hora mo quāno è n'hommo tutto ardire
E'chiù balente de tutta n'armata ,
Ch'è n'autro Bacco voleno scoprire
Se l'haue la mogliere l'A cagnata,
Bacco cornuto dire hanno voluto ,
Ed hanno ditto ch'è Becco cornuto.

Ma

Ma cornuto non è chi non consente,
 Nè dace à la moglie accasione
 Farele ncarta pecora patente,
 Commo de Cornouaglia è Campione:
 Commo quanno ped' essere valente,
 Che nullo nce le faccia, hà openione,
 O perche la moglie sia norata
 La gabba, e stace sempe a la squitata.
 Perche, sia quanto vuoie norata, e bona,
 Se se ne squita, e no le veglia adduosso,
 Ed essa vede, ch'isso l'abbannona,
 E ch' à zappare và quarch'altro fuosso,
 Gelosia tanto forte la sperona,
 Che nce lo mette lo cappiello d'vuosso,
 E se be fosse Orlanno Palladino,
 Cò raggione lo chiammano Martino.
 E s'è buono marito, e sempe face
 Chello che deue commo no liono,
 Deette Apollo, e chella puro vace
 Doue ches'autre, che n'hanno raggione;
 Perche lo Munno le corna le dace?
 Hora leuate sta confusione,
 Ca chi da la moglie sia gabbato,
 E non ne' hà corpa: non è sbregognato,
 Addonca quanno na serofa squartata
 Vò propio fare chello, che n'è ghiusto,
 Haue d'hauere tutta na casata, (sto?
 Che no ne' hà corpa, vregogna, 'e desgu-
 E la famma hà dà essere ammacchiata
 De no marito, ch'è norato, e ghiusto?
 Mò nò, sia fatta ad essa sta vregogna,
 Ch'ad'ogne auciello è fatta na carogna;

Starrìa frisco lo Rrè de Cercassia ,
 C'hauea pigliata na moglie bella ,
 Ne lo vottaue niente gelosia ,
 Ne le facea sospetto l'ancarella,
 Ne se curaua farele la spia,
 Tanto l'hauea pe bona, e nzemprecella,
 E le pareua potere iurare
 Ca manco sapea l'acqua ntrouolare.

Tanto cchiù che no iuorno stanno nchietta,
 No schiecco le mostraie, che se vedesse ,
 Ed essa che lo luoco, e tiempo aspetta,
 Mostraie na gran paura, e se sorresse,
 Chi è chisto? (disse) ohimmè, iettalo, ietta,
 Ncè n'hōmo, e nō vorria che me vedesse,
 Cchiù priesto me sficcaglio cò nò spito,
 C'autro me vega maie che tu marito.

Lò Rrè disse, a la fè chesta è norata ,
 E ne steua contento, e sodesfatto,
 E à lo ciardino hauennola portata,
 L'ecciacuoruo le fece n'autro tratto ,
 C'à na peschera essenno se accostata,
 Disse, nò stongo ccà pe nullo patto,
 Che non mè vega se pe sciorte n'esce,
 Da st'acqua na ranōchia, ò quarche pesce.

Pò se vota, e bedenno no Froncillo
 Cantare sopra n'ariolo de chiuppo,
 Dice se st' aucelluccio è mascolillo,
 Io mò me scippo tutto chisto tuppo ,
 Ca non voglio maie granne, ò peccerillo,
 Che dia cò l'vocchie a chisto nore ntuppo,
 Iamoncenne signore ohimmè so morta
 Ca chesta è cosa ch'à lo nore mporta.

Stea

Stea de chesto lo Rrè tutto preiato,
 Penzanno hauere na mogliere bona;
 E deceua fra sè mè sò nzorato
 Cò chi de le mogliere è la corona,
 Quanto ched'è, ched'è, s'ashia neappato
 Cò la echiù fauza, e la echiù grā potrona,
 E trincata, e foiosa, e sgrata, e trista,
 Che pe tutto lo munno se sia vista.

Pocca haueua fi à binte dammecelle,
 Che le deuano muorze cannarute,
 Ca si bè cò le trezze a canestrelle
 Commo femmene steuano vestute:
 Erano tutte sotto le gonnelle
 Li meglio masculone, e echiù tre gliute,
 Chesta donca à lo Rrè vregogna dace?
 Sbregognata senga clla che lo face.

O bella cosa chelle gente antiche,
 Che non erano tanto scropolose,
 Ma de fare piacere tant' ammiche,
 Che teneano ncommune tutte cose,
 Saie s' à Romma le gente so podiche,
 E se fecero legge ante è famose,
 E bozero le gente echiù norate,
 Che le mogliere fossero prestare.

Zoè, s'vno l'hauea che non imprenaua
 E' n'autro, che assaie figlie le faccua,
 Chisto a chillo la soia le prestaua,
 Fi ntanto che l'ammico figlie haueua,
 E fatto chesto pò se la pigliaua,
 E echiù norato assaie se ne tenua,
 Comm' à Napole spisso le commare
 Le botteole se solano imprestare;

O, me dirraie, fù quarche bozzacchione,
 Quarche pacchiano ch' à la bona icua ,
 Che mettennolo dintò a no cestone
 Puro commo ascialè contento steua,
 Vuie sapite chi fù lo gran Catone,
 Sapite si fù sapio, e si valeua ,
 E puro la moglieire Martia bella
 Prettaie, commo se fosse ciucciarella.

Pisistrato Tiranno fù d'Atene,
 E si bè ca Trasibolo vasaie
 La figlia, issò fù tanto hommo da bene,
 Ch'allegramente nce la perdonaie ;
 La moglieire diceua , ò mara mene,
 E commo la mennetta non n' faie ?
 Dis' issò, ch' ca s' accide lo nneimmico,
 Non chi vasa ; e bò bene , e t' eie ammico.

Agi Rrè non sapea pe còla chiara ,
 Ch'Alcebiade stea cò la Reggina ?
 E puro sempe maie la tenne cara,
 E le dio l'oua fresche ogne matina,
 E pe mostrare na bontà cchiù rara ,
 Potenno fare de l'hommo tonnina,
 No schitto nò le voze fare male,
 Ma fece à laude soa no matrecale.

E Agusto de lo munno Mparatore ,
 Quanto de chiste scrupole se rise ?
 Pocca tenette pe no granne nore
 Pigliare Liuia prena de seie mise ,
 E le portaie cchiù sbisciolato ammore,
 Che non se porta mone à li tornise ,
 Parennole, che fosse na ventura,
 Commo chi accatta, e non paga fattura.

A lo

A lo figlio de Silla non fù ditto
 Ca la sore, che l'era tantò cara,
 Co Furuio se mbrogliava, ch'era guitto
 'Figlio de na guaguina lauannara?
 Ed issò alliegro responnette, zitto,
 Ca forema hà no nciegno, che le para,
 Ca stà cò vno, che se n'è allordata,
 La mamma le pò fare na colata.
E se non burla, ma dice da vero
 Chillo Grieco senz'acqua accossi brauo,
 Lo gran cecato, che se chiamma Homero,
 Chè de le Muse se pò dire vauo;
 Non se tenne norato Cavaliero
 Recoperanno Alena Menelauo?
 Se bè ch'era foiuta à Troia, e torna,
 Magnato hauenzo pane de cchiù forna.
Se Vorcano è norato vecchiariglio,
 Se sape ncielo, e pe d'ogn'autra parte,
 Se bè a la rezza pigliaie comm' auciello
 Venere, ch'abbracciata stea co Marte;
 E mò fare vorriano lo maciello
 De quanta sò, che mbrogliano le carté:
 Lassatele campare: ed'haggia schitto
 Là vregogna chi face lo dellitto.
Perche te pienze, che chiammato Magno
 Fosse Alifantro, ch'era gran Signore?
 Fù schitto, ca fù tanto buon compagno,
 Che pe ssè cose maie fece remmore;
 Ecco quanno la figlia fece à cagno,
 E pe no ntruglio dio tutto lo more,
 Dicette, io manco sale me ne curo,
 Voglio parte a lo Regno haggia essa puzo

Astil-

Astilpone Filosofo valente

N'happe na figlia puro cannaruta,
Che magnaia, e beueua allegramente
E fù cchiù bote co n'hommo cogliuta?
Quanno le ieze a dire no parente
Ca le faccia vregogna la cornuta',
Respose, faccia puro à tutte l'hore,
Ch'io pè mè sempe maie le faccio nore.

Vonno che perda mò nore, e decoro.

Pe na femmena leggìa comm' à biento,
N'hommo da bene, e commo fosse toro
Haggia le corna: chisto è gran tormièto.
S'è chesso, comm' appriesso a l'aità d'oro,
Venette à colà pò chella d'argiento,
A chesta ch'è de fierro fi à sto iuorno,
Appriesso venarrà n'autra 'de cuorno.

Venuto era lo Bernia pe sentire

Chisto descurzo fatto à la ntrellice,
È non potenno propio cchiù zoffrire,
Senza lecientia isso responce, e dice,
Pe sti dicote, e disseme scompire,
Facite mò commo sto fusto dice,
Che nullo cchiù se nzore mpenzamiento,
E leuarrimmo tanto frusciamiento.

Và stipate ssà vocca pe le fico,

Appila ch'esce feccia, Apollo tanno
Respose, ca sarria cchiù gruosso ntrico,
E de lo mūno assaie cchiù scuorno, e dāno,
Io t'haggio ditto, e n'autra vota dico,
Ca le mogliere vregogna non fanno,
E chi sprezzare vò lo matremmonio,
E no frate carnale à lo demmonio.

Addonca

Addonca quanno n'hommo s'è nmarcato ,

E pe borrasca scassa lo vasciello,
S'hà dà tenere pè nò sbregognato ?
Zitto ca non hauite celleuriello.

O se quarche mercante arresecato
Pe desgratia è falluto , e pouveriello,
E' digno de vregogna ? hora v'iate ,
Ca n'è lo vero : è digno de piatate ,

Se canosce ca tu non haie leiuto ,
Ca de Lacedemonie à lo stato,
Chi n'hauea la mogliere era tenuto
No nfammo, ed era subbeto cacciato ;
E ca Romane puro hanno voluto ,
Che da l'affitio suo fosse seacato
Ogne Diale, à chi pè mala sciorte
Fosse venuta la mogliere a morte.

Nfine mogliere deuese pigliare,
Perche lo matremonio è bona cosa ,
Ma l'hommo sapio se la deue ashiare
Quanto cchiù pò norata , e bertolosa,
Pocca mentre la piglia e' haggia a fare
Razza, s'essa è na trista n'è gran cosa
Se li figlie sò peo, e stanno fitte
A le doglie de capo che sò ditte.

Pò disse bona sera , e se chianaie
Dinto la casa, e fece se scauzare,
Pò subbeto a lo lietto se nfrocchiaie,
E nfrocchiato se mese a ronciare,
L'Hore mò , chi li piede le grattaie,
Chi lo commoglia, e chi le v' a portare
Lo necessarie à capo, addoue mette
Carte de matrecale , e de sonette.

CAN-



CANTO IV.

MA quanno l'arba , pocca l'hà am-
morbato.

Titone, esce a lo frisco à sciauriare,
Ed à le stelle è fatto lo mannato
Comm' a frostiero, c'haggiano a sfrattare,
Se sose Apollo, e commo stenneccchiato
Se fù no poco, fece se canzare
Da dudete prouecete zitelle ,
Che lo vesteno, e spogliano , assaie belle.

Commo s'appe vestuto, e fatto nietto
E capo, e diente, ed ogne, e mano, e facce,
Se reteraie pè n'hora à no retretto ,
Done sose spedire assaie despacce ,
Fè fa sarzizio pò à no ciardinetto
De giesommine, e shiure de vorracce
Sce se, e nne tutte appriello ncompagnia
Iammo, e dapò a na bella Gallaria.

A chella stessa che decierte nante,
Doue so tanta quatte , e statoe belle,
O bene mio , e chi ne dice tante ?
Nante se contaria tutte le stelle :
Lassammo li craunchie, e li diamante,
E l'autre gioie, ed isce altre coselle ,
Dirraggio sulo , se la mente dura,
Cose da fa stopire la natura.

ò nò parmo apierto de ssa canna
ca ntorno ammisso a tanta cose, e tale;
'addona Febo, e chiamale da banna
Ch'era vicino llà) lo Caporale,
dice, se la vista non me nganna,
histo hà no gran golio sapere quale
ose cca ntorno ntorno stanno appese,
echiarancelle, e singhele corte se.
eto me mostraie a mano manca
a strenga tutta rotta, e annodcata,
e nante ncarnatina, e pò fù ghianca,
C. Q. gran tempo portata,
doue miezo spungolo nce manca,
ncè vede na scritta mpeccata,
e dice, ammaro chi non vace nchiùmo,
cca è meglio l'arrusto, ca lo fummo.
esso è lo Tezzone, ch'Erostrato
ummaie, quando deze fuoco a chillo
mpio cossì famuso, e nnommenato,
anere famma cchiù de mastro Grillo,
petaffio llà sotto ncè ncollato,
ogne lettera è quanto no mastrillo,
gne muodo s'acquista famma, e loda,
non haue la carne, haggia la vrodna.
mmocreto pò ncè lo vrachiero,
e pe ridere tanto, e non crepare,
cea mbracato, e fù nò gran penziero,
tanto riso lo potea schiattare;
nutto de cea pò, si nò sommiro
on ride de quanto vide fare,
losofo granne, io t'haggio ntiso,
a sè fa cosa, che non moua a riso.

Accan-

Accanto 'appesa ncè de Mecenato

La vorza, ch'era aperta à li sapute,
O bello tiempo, e commo si squagliato,
Che cagnaue li vierze pe li scute !

Sotta ne' hauea quarc'hommo lette rato
Ste parole a na tauola appennute, (ci
Studia, e scriue che buoie, nō ne faie strac
Ca chesta hà na fattura à catenaccio.

Appriesso ncè de seta na gonnella ,

Che fù de chella nobele pottana ,
Che quanno deuacaie pò la scarzella
Arrecchio la Repubreca Romana

Npede a la quale è posta na cartella,
Pèd' autra strata ogne speranza è bana ,
Suda, stenta, fatica, e fa che puoie ;
Sulo pè chesta arriue doue vuoie.

Passa , e bide la penna de l'auciello ,

Che tanto caro fù à lo Mparatore ,
Schitto pche mostraie buono celleuriello

Quanno passaua, a dire , a Dio signore,
Sotta ncè vidde ancora no cartiello

Scritto , lo quale dice à stò tenore,

Chi le facee lauate non sà fare ,

Fuia la corte , e bagase à nforare.

La votte de Diogene ncè a-lato,

Doue godea lo Sole ad ogne bierzo,

Satio d'hauere schitto a chillo 'stato

Chello che dà lo shiūmo , e dà lo cierzò,

Nò mutto ncè a lo mafaro mpizzato

De bregamind , ch'è uo parmo, e tierzo,

A Dio palazze, à Dio grannezze, & oro,

E' meglio libertà d'ogne tresoro.

Na

Na carrafella pò ncè chiena chiena
De lo chianto de chillo gran Romano,
Che de Pompeo mostraie na grossa pena,
Quann' happe già la catarozza nmano,
Doue se leie, v'atterrate à l'arena
Si tu non magne semmola, pacchiano,
Di ca cheffa è boscia, ò munno stuorto,
Tale t'alliscia, che te vole muiorto.

Na coda a lato ncè de no sommiero,
Cosa non fù à lo munno cchiù stopenna,
Ma la lescia ncè perze lo varuiero,
Se be l'oro magnaia comm' a brenna,
Deze l'Arecchia soa nbruodo lardiero
Ad'vno, c'haggio mò mponta la penna,
Tanto che lo votaie dou' happe gusto,
E fece no Freuaro de n'Agusto.

A l'vtemo, quann' era ngranne autezza,
Zuffete a bascio, accossi bà lo munno,
Ca quāto cchiù baie ncoppa co prestezza
Tāto cchiù priesto vruociole nprofunno,
Perze la varda, e sulo la capezza
Le restaie, ma lo Dio lucente, e ghinnno
N'happe la coda, è cca l'appese, e scrisse,
Penza a la fine oh quanto buono disse.

Lo schiecco ncè de Socrate cchiù a bascio,
Viato chillo che l'hauesse nnante,
Ca non se tenarria, mentre ch'è n' ascio,
Pe no Narciso nobele, e galante,
Nè pe signore chi è de quatto à fascio,
Nè ped'hommo de stima, chi è forfante,
Sotta ncè na sententia de Dottore,
Videte spisso, e non puoie fare arrore.

Ap-

Appriccso stena tutta arrauogliata

De carta straccia primmo , e pò de panno
De no Mastro de scola la sparmata,
Che stato à Siracusa era Tiranno ,
Doue na scritta ne' era appeccicata,
Songo scettro perzì , perzì cominanno,
Si non Regne, na scola de figliule ,
E si non taglio cuolle ammacco cule.

Dall'autra banna dintò la vammace

Sta lo modiello de lo Culiseo,
E tanto à Febo st'artefitio piace ,
Che n'haggia a fare n'autro cierto creò,
Pocca se trona lesto ogne sequace
De Petrarca, Vergilio, Omero , e Orfeo,
De portarence sopra de la schena
Acqua, prete, saorre, cauce, e arena.

Chisto addefitio a tutte non se mosta ,

Ma schitto a quacarch'vno pe faore.
Perch'è na cosa fore de la iosta ,
Cosa propio de Rrè, de Mparatore,
Na bella scritta d'oro nè sta posta,
Che cierto è cosa d'azzellète autore (glia,
Homino gnoràte vascia ss'vocchie, e squa
Schitto pe studio è fatta st'anticaglia.

Dapò lo Riso ne'era a schiattariello

De na statoa de preta , quanno muorto
Calligola vedette poveriello ,
Che lassae lo deritto pe lo stuorto ,
E la scritta dicea , stà ncelleuriello,
Non fare a nullo maie vregogna, ò tuorto
Homino potente, ca si pò si acciso
Fi a le prete se schiattano de riso.

Cchiù

chiù appriellò no fiasco de cristallo
Zippo de chelle lagreme, ch'a laua
Coll'vocchie chillo buono, e grã cauallo
Maltro d'ammorofanza deuacaua,
Quanno iocaiè co Morte, e fece fallo
Caio, da chi n'hauea sempe la biana;
E na scritta diceua, hora nmezzate
Vuie ch'a chi vè fa bene site sgrate.
o cortiello è cchiù nnante, co lo quale
Logrezia se sperciaie lo manco lato,
Quanno chillo soperbio, e bestiale
Le mese tanta carne à lo pignato,
Sotta è no mutto, chello niente vale,
Nnante deuiue hauerence penzato,
Spilata è patria, ca te strippe, e scanne,
E' tardo lo remmedio à tanta danne.
o criuo è appriello doue sana sana
L'acqua Tuccia portaie, pe confermare
Ca n'hauea poste balle à la doana
E n'era iuta ancora à bennegnare;
Decea lo scritto, che lo fienzo schiana,
Hoie si tu tuorne ciento vote a mare,
E puorte criue nò. ma vtre, e butte,
Sempe le portarraie vacante tutte.
ppriello nè sta puosto lo crauone,
Che Portia se gliottie bello alluminato,
Quann' hauette a l'arecchie lo vespone,
C'haueano lo marito sbennegnato,
O fosse ca perdie lo sauciccione,
O fosse pè l'annmore sbisciolato,
La scritta dicea pò de carta penta,
De chelle se n'è perza la semmenta.

Ma

Ma chi porria contare ad vna ad vna
Tanta cose stopenne, e strauacante ?
Se quant'huommene so sotto la luna,
Parlassero co lingue de diamante ?
A mè la mmaraueglia era na funa ,
Che me tiraua quanto cchiù iea nante,
E me ne iea vedенno fi a la sera,
Se de magnare tiempo mò non era.

Ecco ca tutt' a tauola te siente

Na trommetta sonare , ognuno corre,
Commo la varca c'ha mpoppa li viente
Bona nsiuata , che bolanno scorre ,
Io puro , ch'ammolato hauea lì diente,
E dato hauarria à muorzo à le saurre,
Appriessio a Febo me pigliaie la strata,
Doue la tauol'era apparecchiata.

Febo magnaie da dinto, e nuie de fore,
Ncommerzione coll'autre sapute,
E ntanto se faceva no gran remmore
D'arpe, de lire, cetole, e liute,
Ncera tanno arriuato no Dottore,
Che la pazzia le fa trouare scute ,
E commo fù nante ad Apollo , schitto
Isto dicette, ogn'autro stette zitto.

Signore de virtù fauda pontella ,
Spireto de le cose, vita, e lumme ,
Pè chi la Terra se fà lustra, e bella,
Pè chi fanno mmiracole li Shiumme,
Pè chi lo tiempo và senza stanfelle ,
Pè chi arde ogne stella, che tu allumme
Da lo gran nomme tuo tanto norato
Sò stato comm'a n'argano tirato.

Non

Non me sprezzare, ca se be la gente
Crede ch' à stà cocozza non sia sale,
Se gabba, ca ped' arte assaie faccente
Me nfengo nsallanuto, e bestiale,
Perche bedenno, ch' all' aità presente
Lo studio de le lettere non vale,
Co na nnuistria m' abbusco tanto nterra,
Che la necessetà non me fa guerra.
Si nò lo cride damme no torne se,
Ca te sbotto mo propio no concierro,
E bedarraie se lo Dottò Chiaiese
Pò coss' altre Legiste stare appietto,
A chello Apollo à ridere se mese,
Mostranno de n' hauere gran delietto,
E disse, te dò mò no tallarone
Se iso concierro me da sfatione.
Sò contento dis' issò, e Apollo tanno,
Di che bò dire mò, ca la saietta
Maie da fore la votte fece danno,
E lo vino de dinto forchia, e annetta?
Grà dubbio, è chisto, che benaggia aguano
Disse Chiaiese, mò lo scioglio, aspetta:
Siète ch' à primmo dongonce de cuorpo,
Ca la Meteora m' è nasciuta ncuorpo.
Lo Sole co lo caudo de li raie
Tira ncoppa li chille de la Terra,
E pò se fanno doti' è friddo assaie
Cchiù tuoste de le prete de la terra,
Siente, lo caudo fece sempe maie
Cò cose fredde costiune, e guerra,
E pel' auteparistase, la state
Sò l'acque de li puzze cchiù ghielate.

Ma quanno pò lo terramotò vene
 (Chisto concetto vale qua tociento)
 E' ca la Terra diinto de le bene
 Tene gran flato, che le da trommiento ,
 E perche non cè miedeco , che tene,
 Natura fa stà crise, esce lo viento,
 Ma se sta scritto buono à lo quatierno ,
 Fa cchiù caudo la stata che lo vierno.
 Hora tornanno atreto, io trouo scritto,
 Ca la saietta de materia crassa ,
 Perche non sà passare pe lo stritto,
 Zzò che troua, e la ntoppa, rompe, e scassa,
 Chella ch'è tenoe pè no poro schitto
 Comm' aco lancianese percia, e passa ,
 Cui lo dice non haue celleuriello,
 Nego, atque nego , & accipe cappiello.
 Mò te trouo lo capo, ca stò chino
 De gran conciette cchiù d'autra iornata,
 La saietta ch'hà fatto assaie cammino
 Vene cauda, e de sete stà allancata .
 Troua la votte, ch'è chiena de vino ,
 E se la veue tutta à nà forchiata ,
 Vuoie tu , che fosse tanto bestiale,
 Ch'à la votte facesse quarche male ?
 Satria na sgratetudene, e pè chello
 Non fece à butte despiacere maie ,
 Che tè ne pare n'haggio ditto a siesto ?
 Sia beneditto quanto studiaie;
 O Dottore corona d'ogne tiesto,
 Respe se tanno Apollo, è quanto saie !
 Ecco lo tallarone, e tornatenne,
 Cq l'aseno te impresto cò le penne.

Partuto ch'isso fù, subbeto auzaro
 Li mesale, e benettero le carte,
 E Febo cò le Muse accommenzaro
 No iuoco, che perzì s'vsa a ste parte,
 Reuerzino se chiamma, io appe a caro
 A la vecchiezza de imparare st'arte,
 O bello iuoco, iuoco de Coccagna,
 Che chi manco ne fa chillo guadagna?
 Guadagnaie Febo, ed io pe paraguanto
 N'appe no tredecinco nuouo nuouo,
 Ma ogne Musa capezzeia tratanto,
 Che de suonno già stea chiena còm'vouo
 S'auzaro addonca, e l'vna à l'autra accàto
 Mpizzare à l'vocchie se sètea no chiuouo,
 Febo perzì storduto se stennecchia
 Mmiezo a la sala a na coperta vecchia.
 Io scengo a lo cortiglio, e m'addormento
 Cò gran gusto appoiato a no cantone,
 E beo dormenno cò no gran contento
 (Non faccio se fù suonno, ò vesione)
 Na femmena cchiù lustra de l'argiento,
 Che portaua l'ascella, e no Trommone,
 Dicenno, chi fù maie da Battro à Thile
 Famuso cchiù del Cavalier Basile?
 Da chisso hà schiacco matto ogne Scrittore
 O sia Toscano, ò Grieco, ò sia Latino,
 Chisto hà no stile, che l'hà fatto nore,
 Quanto lo Sole fa luongo cammino,
 Isso se fa la via cò lo valore
 A la Grolia, e ne schiatte lo destino,
 Ca mò è d'Apollo commo frate cato,
 E le vò bene de le Muse à paro.
Viaggio di Parnaso, C *Dire*

Dire non saparria quanto sentiette
Piacere audenno nnommenare à chillo,
Che la fortuna ammico me facette
Da che ghieua à la scola peccerillo,
Nchesto chelia, e lo suonno me soiette,
E somme auzato lieggio comm' à grillo,
Ma sempe hauiette, e d'haggio nnanze
chella.

Doce à l'aurecchie e all'vocchie accossi
bella.





CANTO V.

A Pollo ancora stiso roncìaua,
 E no Paone bello pinto accanto
 Le steua, e co la coda le cacciaua
 Le mosche ntuorno, e faceva frisco ntanto,
 Quando isso fù scetato, ch'arriuaua
 Non faccio chì da la Cetà de Manto,
 Che manna à Febo chillo gran Signore
 Cò titolo d'Agente, e Mmasciatore.

Subbeto fù portato à Febo nnante,
 Che fattole na bella lleuerentia,
 Disse, Signore, che daie grolia à quante
 Te sò soggette, e r'hanno ncontentia,
 Chillo, c'haue da tè faure tante,
 C'hommo maie fù de simele azzellentia,
 C'haue lo Nomme suo pè tutto spaso,
 E de lo Mincio fà n'autro Parnaso.

Te manna na bonissima nouella,
 C'hauarraie cara cchiù de no presiento,
 Securo ca cò tico ogne sorella
 Pè preiezza mò mò farrà pe ciento,
 Ed è, che la virtù lucente è bella,
 Ch'à Basile faceva ricco ornamento,
 Cò granne nore suo l'hà fatto hauere
 Lo Titolo de Conte, e Caualiere.

Perzò me fece priesto crauascare,
Dicenno curre, e porta sta preiezza
A lo Parnaso, e Febo v' à pregare,
Che se ne faccia festa, ed' allegrezza,
Pè mille cause tu lo diue fare,
E perche t'è pregato da sua Autezza,
E perche ogn'hommo nterra piglie core
De ire nnante, e de se fare nore.
Perche nò, disse Apollo? io già le fice
Da quanno era figliulo la patente,
Che co lo stile suo bello, e felice
Ire potesse a lo Petrarca rente,
E c'hauesse li Ciele tant' ammicce,
Che n'haggia da morire maie pè niente,
Ntanto rengratio mò soa Segnoria,
Pocca è menistro de la voglia mia.
Io voglio, che Parnaso, ed' Alecona,
E tutte sti Poete, ed' ogni Musa,
Nce facciano na festa assaie cchiù bona,
Che tra lo Giugno a Napole s'ausa,
Ncè sia commeddia, e ballo de ciaccona,
Che la Mmidia ne reste assaie confusa,
E durenno no mese li remmure
De li gran tricche tracche, e scoppature,
E perche sia la festa cchiù de fisco,
Viseta voglio fare generale,
E conca mò pe forza stà à lo frisco,
Voglio ch'escà, e che faccia carneuale,
E strille forte quanto vò lo Fisco,
Ca cò tutte sarraggio liberale,
Pocca puro a lo Munno vego schiuso,
Chi face bene a n'hommo vertoluso.

Ditto

Ditto accossì mannaielo à riposare
A na stanza parata d'oropella,
Done da lo Caracciolo pintare
Nc'hauea fatta na storia muto bella,
De quanta pe bertù remmonerare
Tennero sempe aperta la scarzella,
Ma, fora de lo Duca Mantouano
Nc' erano poco cchiù larghe de mano.
Lloco nc'era Gogliermo, e po Vecienzo,
Francisco appriesso granne, e liberale,
Che Morte ammara cchiù de lo nascienzo
Leuaie da Terra, e fece tanto male,
Ma lasso l'autre, à chi se da lo ncienzo,
Partute da sto siecolo mortale,
E parlo schitto de lo Gran Fernanno
Chà dato all'auaritia eterno banno.
Chisso nc' era depinto cossì bixio,
Che quase lo vediue freccecare,
Tenea la vorza fatta comm' a criuo,
Che nò nce pote reiere denare,
Da lo quale piglia hoie sostiento, e ciuo
La vertute, che stea già pe crepare,
Le vide appiede mille vertoluse,
Che le puoie nnuosso appennere le fusc,
Ed'isso a chi dà sfuorge, a chi tornise,
E tutte fa partire conzolate,
Hora cammina mò ss'autre paise
Se truoue tanta liberaletate,
Lo Mmasciatore ntuorno l' vocchie stise,
Mira attiento ste cose fegorate,
E resta ammissio; vno lo chiamma nchesto,
Ca utauola è aspettato, e бага priesto.

Sotta no Bardacchino de velluto
Cò gran lume na tauola sè mette ,
E sedere l'Agente, ch'è benuto
Febo a mano deritta se facette,
Le Muse appriesso , e commo fù seduto
Ogn'vno , lo magnare ecco venette
Co ciento pagge , chi lo credarria ?
Tutto apparcchio fù de Poesia.
La primma cosa venne na nzalata
De poesie moderne , à primma facce
Assaie bella composta, e rialata
De shiure de cocozze , e de vorracce,
Ma pò a lo gusto fù desgratiata
Quanto cchiù se prouaie , hora và sacce,
Pouero Scarco doue stea lo mbruoglio,
Ch'era troppo l'acito , e poco l'huoglio.
Venne pò na fellata de presutto,
Che ghiuraie pè mia se lo Mmasciatore,
Che se non era troppo sicco , e asciutto,
Magnare ne potea lo Mparatore ,
Lo salaie Statio, e l'appe Apollo tutto,
Pè se ne fare a certe tiempe nore ,
Ma non rescenno crudo a sto commito
Vò che s'arrosta co pepe, ed' acito.
Vennero l'antepaste buone assaie ,
E d'Egroche , e de Farze, e Pastorale,
De li quale a bezzeffa se magnaie,
Perch'erano bazzoffia prencepale,
De Mertillo le deta se leccaro ,
De Fille , e Filarminno che cchiu bale,
Ed'Aminta ch'è cosa dà Segnure ,
L'autre lassaro pe li seructure.

Ecco

Ecco n'Oglia potrita à la Spagnola,
Fatta de stile antico Castegliano,
Che fece a cchiù de quattro cannauola,
Ma non piacette a chillo Mantoano,
Ma de rape magnaie na fella sola
De l'huorto d'V siasmarche catalano,
Lassanno l'elegie, le Seghediglie,
Strofe, Romanze, Endecce, e Retonniglie.

No piatto nce fù de maccarune,
Che Ncecilia fù fatto a stanza à stanza,
Ma se ne magnaie schitto duie voccune,
Ca si cchiù passe, abbottano la panza,
Venne l'arrusto, e fu da cannarune
De boscie nmottonata na Romanza,
Era chesta à la fè cosa riale,
Se nce mettea lo cuoco manco sale.

Appriesso no pasticcio rialato
De commedie deuerze, e no pastone
De soniette, e canzune fù portato,
Che deze à tutte quante sfatione,
Venne pò no Shiadone dellecato,
Che fù cierto na cosa da Barone,
Fatto à Napole mio, de le cchiù belle
Fröttole, Matinate, e billanelle.

De frutte nce ne foro ciento spase
De Matrecale, e Sdruscirole, e Ballate,
Capitole assaie cchiù, che le cerasse,
De strauagante fogge lauorate,
Statoe, Fontane, Giutte, Turre, e case
De mille Giesommine shioriate,
Ma manco chello venne tutto mparo,
Ca certe haucano yierme, e se iettaro.

Chi dice mò le scatole e aruarelle
 De sceroppate a l'vtemo comparze,
 De cose Aroiche, che n'ica a le stelle
 E' addore granne, che llà ntuorno sparze?
 Per vita mia ca foro tanto belle,
 Ch'a laudarele sò le buce scarze,
 Ncè ne foro perzi de l'Inniane,
 Ma secche, accossi bennero lontano.
 Pò quanno lo mesale fù leuato
 Vennero ciete braue recetante,
 Che na cōmeddia haueanose mmèzzato;
 Da vero, che fù cosa assaie galante,
 E da sotto no panno llà mpizzato
 Vnò Polecenella scette nnante,
 E pe prolaco disse, ben trouate,
 O state zitto, ouero ve ne iate.
 Zitto de gratia non gracchiate vn quatto;
 Ca co sti mime voglioue sballare
 A la Doana comica à lo mmanco
 Ducento concettucci da crepare,
 E quinci, e quindi con dolor de shianco
 De riso io vi farò sparpateiare, (te,
 Poscia, che alquãte nce simmo accocchia-
 I cui nomi s'appellan, gli arraggiate.
 E quantunque fiam noi schiuse, e nasciute
 A lo Mercato, ed' a lo Lauenaro,
 Nel Tosco fauellar simmo rescite;
 Che nosco vn Tosco non vale vn denaro;
 E poscia che ncè simmo resolute
 Disasconder tantosto il Plettro raro,
 Vi faremo oltre modo arcar il ciglio,
 Hor' attendete, io mi vi riquaquiglio.
Riserò

Rifero tutte quante à schiattariello
De sto Prolaco fatto a la moderna,
Ed ecco scire pò no gioueniello
Co na spata de chirchio , e na lanterna,
E dire, oue hora sete ò mio gioiello,
Ch'assisa io pur non v'ashio a la tauerna?
Ecco l'audace man tozzola l'vscio,
Affacciate ò più dura de camuscio.

Chi batte ò là, chi tozzola a quest'ora?
Al sicuro sarrà quarche cornuto ,
(Da la fenestra disse la Signora)
Poiche'l dolce dormir quinci hà rōputo,
Respose chillo , oimè, non far ch'io mora,
Parte miglior di mè, sò askicuoluto,
Deh soccorre l'estiuo innammorato,
Di cui Cerriglio il core è deuentato.

Và via (dis's'ella) scria da lloco , hai visto
Questo melenso comm' è presentuso ?
S'vn mortaio tenessi quinci listu,
Vn'ernia li farei sopra il caruso,
Più tosto anzi che far con teco vn misto,
Mi cauarei na visola col fuso,
Obel cesso d'vn'alma innammorata ,
Fà palillo , palillo, e biene a tata .

Disse lo Nnammorato, ò di quest'arma
Viua pontella, se t'arrasse caggio,
Ohimè ch'io cado sotto na gran farma,
Peo, che se fosse vn inusico di Maggio,
In vasto mar di gioia stai tu ncarma ,
Io fra carella , e scigna fò viaggio,
Rise Apollo, e botannose a na Musa,
Bravo disse, per vita de Lanfusa.

Ma non mporta (sequio) si come il Cielo
 Carolanno'i suoi giri in sguinzo face,
 E comme Cuccopinto l'aureo telo
 All'offa del mio cor saetta audace,
 L'opaco Sol fa la tauerna in Delo,
 Restotele, e Pratone fanno pace,
 Tu mia bella Trefifona, e Mecena
 Faie la schifosa, e buoteme la schena.
 Oimmè, dicette Apollo, statte zitto,
 Vide ca sò le Muse addebolute,
 Squaglia priesto da ccà, singhe marditto,
 Mannaggia sti conciette ashieuolute,
 Polecenella singhe beneditto,
 Tu sì immeretarrisse ciento scute,
 Ma sto cazzera de sto nnammorato
 E' digno propio d'essere shiaccato.
 Nche sto coll'acqua fresca retornaie
 Le Muse, e le l'uaie chill'antecore,
 E la bella commedia, se scacaje,
 Ca lo nuouo toscano ammarciaie fore,
 E Febo a lo vorzillo se trouaie
 No tallarone, e comm'a buon signore
 Dallo à Polecenella, e ne lo nuia
 Co mille signe de gran cortesia.
 Lo Mmasciatore a Febo dice tanno,
 Da tè Febo vorria na sfatione,
 Che me decisse, non te sia ncommanno,
 Perche chillo se chiamma tallarone?
 Disse Febo; m'è caro st'addommanno,
 Perche piglie de me possessione,
 Decitencello addonca ò belle Muse,
 Nò state sempe cò le bocche chiuse.

De gratia, disse Clio, hora facciate,
 Ca talare se chiammano l'ascelle,
 Che se tene Mercurio appeccate
 A li tallune accossi pente e belle;
 Cò chesse vola, e corre a gran iornate;
 Cò chesse saglie, e scenne da le stelle,
 Simmele a sta moneta; e co raggione
 Fù pe chessor chiamata tallarone.

Perche cò chisse vaie doue te piace, (no,
 E faie chello, che buoie, gaude, e staie buo-
 E si commo Mercurio porta pace,
 Co chiste puorte giubelo de truono;
 Vi s' à leuiello sto concietto vace,
 Vi si dà mbrocca, e si te ballo à suono,
 Che Napole, che sempe brauo ntenne,
 A chi non n'haue, dice, non haie penne.

Disse Euterpe, nècè pò lo scuto ancora,
 Ch' a gran ioditio accossi fù chiamato,
 Che da la famme te defenne ogn' hora,
 Commo da no brocchiero reparato:-
 Hagge de chisse, ch' ogn' vno t' honora,
 Se be si de seie quarte sbregognato,
 Hagge de chisse, e singhe uo potrone,
 Ch' ogn' hōmo trēma, e t' hà pe no Sāzone.

Ncè peizi, tanno Vrania responnette,
 Lo docato a lo nummero de chisse,
 Lo quale a tale stato l' hommo mette,
 Che cierto maie non te lo credarrisse,
 N' hauimmo viste cchiù de sette, e sette,
 Che da monnezza no le cacciarrisse,
 Duca pe chiste essere mo chiamate,
 Non senza chè se chiammano docate.

Erato disse pò, me sò scetata

Co no penziero appunto stammatina;
Perche chella moneta sia chiammata,
Che bè doie rana, e miczo, na cenquina,
All'vtemo me songo immacenata,
E creio sto nciegno mio ca l'anneuina,
Ca se chiamma accossì, perch'ella dace
A tutte cinco sienze gusto, e pace,

Scomputo chesto, respòse Talia,

Ste cose vostre sò assaie bene ntese,
Ma verraggio io perzì dire la mia:
Da doue pigliaie nomme lo Tornese,
Ogne moneta, che d'argiento sia
Strabauza, e se ne gaude autro paiese,
Ma chesta sempe maie te torna immano
Ca vale poco, e poco v'è lontano.

S'auza m'piede Polinnia, e dice tanno,

E la Patacca doue la lassate?

Hora sentite, perch' hà sempe affanno

Chi ne stace de senza, e sempe pate,

Chisto nomme Pateteco le danno,

Che tira a lo golio vrece, e frezzate,

O puro, perche pare à chi la spenne

No core apierto, chisto nomme tenne.

Terficore respòse, e lo carrino,

Perche accossì lo chiammano le gente

Dirraggio, ò che sia n'hommo malàtrino,

O che sia no sciaurato, ò no ferente,

Comm'hà de chiste lo vorzillo chino,


E' caro à tutte, e n'è schifato niente,

Stia pò no vertoluso senza maglia,

Ch'ogn'vno dice, arreto ò là canaglia!

Cal

Calliope disse, se ssa cosa vace,
 Lo Tarì pè che lettera se gira?
 Chella temologia muto me piace.
 Ca vole dire, che le boglie tira.
 Melpomene respose haggiate pace,
 Ca io de tutte vuie dò cchiù à la mmira,
 La doppia è torriaca de l'affanne,
 Ch'addoppia li cõtiente, e addoppia l'âne.
 Rife lo Mmasciatore, e Apollo disse,
 Haie raggione Melpomene da vero;
 E chi ca l'Arma hauea lo Munno disse,
 Sèz'autro ch'era doppia happe mpèziero.
 Tanta scompèro pò dicome, e disse,
 Ch'era già meza notte, e no becchiero
 Pigliato mmano pè no sciaquadente,
 Se ne iero à dormire docemente.



CANTO VI.

N On cossi priesto tutte appaloreiaro
 Le stelle secotate dall'Aurora,
 Che Febo, e tutte l'autre se leuaro,
 Azzò li carcerate escano fora,
 Vestute chiano chiano s'abbiaro,
 Ca de fare la viseta era l'hora,
 Ecco ogne carceriero, ed' Agozino
 Lo veneno a scontrare pe cammino!

D'oro

D'oro brattino, e frunne de mortella
La porta de la carcere aparata
Trouaro tutta, e scritto a na cartella,
La sciuta è dura, e facele la ntrata,
Cchiù sotto n'autra scritta muto bella,
Che cierto fù quarch'anno stodiata;
Perche se purghe sta presonia scura,
Febo, pè grazia toa falle na cura.

Mille trappite pò, mille franciune
Da parte nparte ne' erano aparate,
E mille Ditte haueano li presune
Pè signo d'allegrezza llà mpizzate,
Sagliuto Febo pe li scalantrune,
A na gran sala troua apparecchiate
Segge ped'isso schitto, e pe l'Agente,
Scannielle pe le Mule, e l'autre gente.

Sona lo campaniello, ecco venire
Se vede a la ncorrenno ogne scriuano,
E pè le cause tutte referire,
Co li scartaffie, e li procieffe nmano,
Ecco lo primmo t'accommenza à dire,
Signore, no Poeta assaie pacchiano
Tanta pallune hauea nzieme abbottato,
Ch'è stato à remiganno connannato.

Chisso hà compuosto, cà duie Giagantune
S'erano a na campagna desfedate;
E dapò hauere fatto à secozzune,
Ch'ogne punio sentiose otto iornate,
E pò commo se fossero pallune,
Co le montagne fecero a pretate,
E pe brocchiere saude a stà fortuna,
Chi se pigliaie lo Sole, e chi la Luna.

Nchesto

Ncheſto n'autro Giagante arriua, forte
Gridanno ſtrunzo nmiezo, ferma, arraffo,
Ma chille, che s'haucano ſdigno a morte,
Non ſe voleano retirà nò paſſo,
Nè potenno ſpartire de ſta ſciorte,
Ca ſempe era cchiù granne lo fracafſo,
Se lanza, e tutto gliotteſe lo Mare,
E' nfacce à chille corzelo a ſbruffare.

Ma chille comino foſſe na ſputazza,
Fecero de tant'acqua poco ſtimma,
Tanto che chiſto entra a na furia pazza,
E porta n'autro cuòrpo cchiù de ſcrìma,
Aduna quanta porua eie a la chiazza,
E cò n'arraggia, che lo pogne, e limma,
Ncè là dà a l'vocchie, ch'erano vagnate,
Tanto, che deuentaro frauecate.

Cofſi ſcompie ſta feſta; tanno diſſe
Febo, n'è coſa de ſe comportare,
Chiſſo, che ſſi pallune gruolſe ſcriſſe,
No rimmo nmita mmerera vocare,
Gridaie l'Agente, sò tanta de chiſſe,
Che ſe le buoie ngalera connannare,
Cierto beſognarria cò gran roina
Ire tutte le ſerue à la marina.

Falle perzò la gratia: lè ſia fatta,
Reſpoſe Apollo, ma ſe n'autra vota
Ncè ncappa, à fede mia ca nò la mpatta
Co na galera, ma le dongo vota,
Subbeto ſcriſſe llà lo Maſtrodata,
Lecentietur, e firmaieſe Nrota,
E lo Poeta ſcenno fece vuto
Sbottare ſto pallone, e ſtare muto.

Pò fatto chësto, 'se leiëtte appriësto,
 No Poëta catammaro sciaurato,
 Che contra Ammore hà fatto no procieſto
 Perche troppo contrario l'era ſtato:
 Chiſſo pe na figliola morea cieſſo,
 Ch'era propio no muorzo nzuccarato,
 E à faſce, e à mazze gruofe le facette,
 E matrecale, e lettere, e ſonette,
 E dapò na grannifſema fatica,
 C'hauarria fatto inuollo no pepierno,
 E apponzato pè miezo de n' ammica,
 De ſta partita mettere n' quatierno,
 A punto frà la mano, e fra la ſpica
 La rota ſe guafteie, che ſteua mpierno,
 E le ſperanze ſoie ietta à no puzzo,
 Schitto pè nò ammacchiare n' Albernuzzo!
 Perche venuta l' hora deſiata
 Da chi vò bene, e fatto l'airo vruocò,
 Va e ſe conzegna ſubbetto all'amata,
 Ch'era pronta a ſtutarele lo fuoco,
 Scénne a no vaſcio, e dice, io ſo forzata
 De fare maſſa, e toppola à ſto luoco,
 Perche fuſo ncè manmema, e porria
 Eſſere cheſſo la roina mia.
 Spanne ſta cappa nterra, e cuoglie fico,
 Pòcca tu tiene la chiaue dell'huorto,
 Ed'iſſo lebbiecaie, potta de nnico, (to;
 Ca cheſta è noua, e ghiera l'happe a Puor-
 Sime vuoie bene; e tieneme p'ammico
 Nò l'allordamino, non me vighe muiorto,
 C'hoie ſe ſtenta de ſango no carrino,
 V' à fuſo e piglia quarche ſtrappontino.

De gratia, disse tanno la signora,
Mò te lo porto, ma nò stare lloco,
Che nò scenna quarcùno, aspetta fora,
Ca trasarraie pò dà ccà n'autro poco,
E l'aseno esce, e chella chiude allora
La stalla, isso gridauà, ca me coco,
Elsa dà la fenestra, ammore caro
Mò te defresco: e ghietra n'autinaro.
Chisto curzo de chesto, pe dolore,
Pocca ota lo corriuò era pisciato,
Scrisse millanta n'fammie contra ammore,
Tanto, che ne fù puosto carcerato,
Disse Febo, pè cierto grann' arrore
Fece, e mmereta d'essere squartato,
Ma le sia fatta gratia, e che se cacce,
Le vasta la pisciazza c'happe n'facce.
Sequeta lo Scriuano, Nformatione,
Contra chi cierto libro hà dedecato
A no signore piezzo de n'anchione,
Che quanto eie gnorante, tanto è sgrato
Perzò sò quatto iurne, ch'è presone,
Ma à le seconne cause haue appellato,
Febo respose, s'è chesso è pasticcio,
Bella iostitia propio scritta à miccio.
Stò pueriello fuorze nc' hauea strutto
Le goueta, e lo suonno à sta composta,
E speranno cacciarene lo frutto,
E' curzo co le penne pe la posta,
Pocca ha trouato sto nigr'volsò asciutto,
Decite tutte vuie, per vita vostra
Che corpa nc' haue? orsù sia liberato,
E che se fruste chi l'è stato sgrato.

De

De n'autro pò fù referuto appriessò ;
 C'hauea seie mise, ch'era carcerato ;
 E chisto titolo era a lo procieffo,
 Contra de no Poeta scostomato ,
 Disse lo Fisco , chissc è granne accieffo,
 Priesto che sia ngalera connannato,
 Perche la Poesia sulo se spanne
 A dire cose oneste, e cose granne.

E Febo disse, straccia mò sse carte,
 Còmo te nericche, e fuie ! grann'è lo caso,
 Tu saie llà corre il mōdo,oue hà più sparte
 Le sue dolcezze il lusinghier Parnaso,
 Chi scriue d'autro muodo non sà l'arte
 De tirare li vufare pè naso,
 Lo munno è dato à ste schesienzie tale ,
 Chi non troua sto stile non ha sale.

Sequeta lo scriuano , e dice forte ,
 De furto verzi in quantitate magna ,
 Contra de quidam connannato a morte,
 A quarera de Gretia, e Franza, e Spagna,
 Febo se vota à tutta la soa Corte,
 E dice, chesto è autto, che lasagna,
 Morire pe lsi furte no meschino !
 Se chello fosse mancarria lo lino.

Decite , chi de vuie sarria scappato
 Da li piede à mast'r Agnelo, s'à ogn'vno
 C'hauesse quarche bierzo granciato
 Dicea lo Fisco nmoccate sto priuno ?
 Priesto sia lo scurisso liberato ,
 E se le dia marennà s'è diuno ,
 Ma da hoie nnante sia nò banno fatto ,
 E craie se iette ; scriue Mastrodatto.

Ch'

Ch'ogn'hommo pozza libero arrobbare
Vierze , e conciette d'ogne libro , e carta,
Ma diestro , che non facciane addonare
Nesciuno, ca si nò se impenne, e squarta,
Iusto commo faceuase osseruare
Da chille valient'huommene de Sparta ,
Chesto a lettere mò de catafarco
Lo truoue à le posteome de Protarco.

Oh che te sia lo pane beneditto,
Disse l'Agente , e campe aternamente ;
Ca chesto è ghiodecare pè deritto ,
E non ce vale ammico, ne parente;
Nchesto dà lo scriuano pò fù ditto ,
De arte annichilata nouamente,
Contra d'vno , che quanta scaca fuoglie
Dedeca pe tornise à casaduuglie.

Cossì dice, e lo Fisco pò se lascia ,
Se deue dedecare a gente granne ,
E nò a no spoglia mpise , e à na vaiaffa,
Pè lò granne nteresse, che le scanne ;
Febo respòse , tiene bella grassa !
Lloco se vede cà si baruaianne,
Chi è liberale cierto è na gran gioia,
Dedeca à chi refonne, e sia lo boia.
N'autro ncen' è , respòse lo scriuano ,
Che non fa vierzo, che deritto sia ,
Se crede essere Omero , ed è pacchiano,
C'ha sbregognata già la Poesia ,
Hà poco iuorne , che s'è hauuto nmano,
El'ha remisso à nuie la Vicaria,
Dice lo Fisco, si fa vierze brutte,
Pe chesta primma vota haggia li butte.

Chisso

Chisso mmeretaria d'essere mpiso;
 Respose Febo, e se non fosse iuorno
 De gratie, caudo caudo sarria miso
 Co Mastro chillo, e duie papute attuorno;
 Nulla Musa vogl'io c'haggia maie sfriso,
 Ca pò tutto de Febo eie lo scuorno;
 N'ardisca maje, nè maie voglia hommo
 Fare vierze, si n'è matricolato. (nato

Chi face sconcordantie, chi troua
 Vuce da sconiurare Parafacco;
 Chi penza de trouare forma noua
 De vierze, ed è cchiù antica ca n'è Bacco;
 Chi le fà luonghe, e chi sciancate mproua,
 Chi de traslate tale enchie lo sacco,
 Che se tè tiene quanto vuoie la voglia,
 Puro schiatte de riso à crepa nnoglia.

Chi chiamma paraliteche li vuosche,
 Perchè lo viento le fà frececare,
 Chi dice ca lo viento haue li cruosche,
 Che non face autro maie se nō shioshiare,
 Siente de brocca pò ciete altre tuosche
 Chiammare prieno, e itrucpeco lo mare,
 Quanno stace abbottato, e n'autro vole,
 Che l'Aiba sia mammana de lo Sole,

A n'autro scappa ca la neue è zella,
 Che se ne vene ncapo a le colline,
 Autro chiāma le stelle, (e chesta è bella)
 De lo Banco del ciel lustre zecchine,
 Autro chiamma la notte negrolella,
 Coperchiola d'Amante, e malantrine,
 Autro lo iuorno dice ch'è na cura,
 Perche spila da l'Aiero ogn'ombra scura.

Nzom-

Nzomma chi stà pazzia tene a la capo, co,
Prouarrà s'io me nzorfo, e s'io me ncrio,
Quanno me saglie ncapo lo finapo,
E me vene da vero quarche cricco,
Ca si bè mò la presonia le rapo,
N'autra vota se piglie lo palicco,
Chillo che bò de Febo èssere ammico,
Non esca niente da lo stile antico.

Laudaro assaie le Muse sto parlare,
E l'Agente azzettaie, ch'è cosa bona,
Perch'orاماie s'era venuto a fare
Na farza de le cose d'Alecona,
Pò lo Scriuano venne à sequetare,
Stà carcerata ecà n'autra perzona,
Ch'à no Poeta disse a la sboccata,
Brutto anciello si tù pierde iornata.

Vagliame sacco rutto, Apollo disse,
E che insolente temmerario ardire!
Propio sauza voglio essere de chisse,
Chesse cose presummeno de dire?
Razza de becche (dico a li qualisse)
Affè de Febo, io le farò pentire,
Priesto s'Arrote mò stò forfantiello,
E no premmone serua pè martiello.

Non per vita de vuie, disse l'Agente,
E s'addenocchia, e pregalo ncaruso;
Che le perdone, pocca se ne pente,
E confessa, ca tanno era marfuso,
Febo ncè lo donaie corteseamente,
Puro che stesse n'autro mese nchiuso
A no mantrullo, e se le desse sulo
Pane, e no poco d'acqua co n'arciulo.

N'autro

Nautro se lessè po, che se la dette
Ntallune co na bella cortesciana ,
E autro pè trè hore non facette ,
Che cardare à lo pettene de lana,
Quanno pò nzoperaie , ecco se mette
Na mano nfacca, e cerca na semmana ,
E quanno chella aspetta no riale ,
Scappa buon morno, ed hà nò matrecalc ,
Lloco ne' happe a benire gran barruffa,
Ped'vno , che n'hauea protettione ,
Ma pò le fece quarera de truffa ,
E fù puosto de pesole mpresone,
Dice lo Fisco, voglio , che de muffa
Ncè piglie dinto de no cammarone,
Fi tanto, che cotella non remette,
E piglie autro, che sdrusciole , e sonette.
Appila, disse Febo, chisto è digno
De gratia , e non se deue casticare ,
Anze mmeretarria co granne sdigno
Chella na pena mò Talionare,
Perchè ìnezzasse ogn'autra à stare a signo,
E ste mposture à nullo muodo fare.
Che truffa, s'ogne bierzo , che l'hà dato
Manco se pagarrìa co no docato ?
Mill'autre nce ne foro referute ,
Che ncè vorria no mese pe contare ,
Ma tutte happerò gratia , e foro sciute,
Cò lo portiello schitto contentare ,
Io ne zeppoliaie paricchie scute
Pe beueraggio, e pe sollecetare
Chisto, e chillo decreto , otra c'hauiette
Pè ghionta mille frottole , e soniette.

Ma

Ma già tre bore tutta era calata
 La poruera da coppa la impolletta,
 E Febo, che na famme hauea arraggiata,
 Coll' autre appriessò lo paese annetta,
 Ma commo fù la tauola leuata,
 Lo Mmasciatore, a chi lo Duca aspetta,
 Se lecentia da Febo, e bò sbignare,
 Ca pè lo frisco penza crauaccare.
 Febo le fa donare la valdrappa,
 Che portato hà dece anne lo Pegaso,
 Mà de Petrarca primmo è stato Cappa,
 Che le Muse ne fecero gran caso,
 Pò subbetto scauare co la zappa,
 Fa lo cchiù meglio Lauro de Parnaso,
 E dice, chisso è digno stare à l'huorto,
 C'haggia cchiù bello ò Marmeruolo, ò
 Puerto.

Portalo addonca à chella Autezza nduono
 Da parte mia, ca le so seruetore,
 E dille, ch'isso schitto è nterra buono
 Sta nzegna hauere, ch'è de tanto nore;
 Nchesto ecco de troinmetta no grã suono,
 Ecco à bascio s'abbia lo Mmasciatore,
 E si mponta le grade chiano, chiano,
 Da Febo è accompagnat, pe la mano.

CANTO VII.

COmo io vidde c'hauea quarche tornese
 Pigliaie de caudo, e me venette voglia,
 Bello tornaremenne à lo paese,
 Che impenzaréce schitto hauea grã doglia;
 Ha-

Io creò ch'erano iusto s'idece hore,
Quanno a no vosco me posae lo pede ,
Doue tant'ombre tu nce vide stare,
Che lo Sole se caca de nce ntrare.

Lloco me sedo ncoppa de no prato,
Che pareva no trappito de Soria ,
Mecco lo stoiauuco llà schiegato,
Ed ecco veò, ma chi lo credarria ?
No piezzo de vitella sott'estato,
E no pignato propio a boglia mia,
Maccarune , pasticcie, caso , e pane,
E grieco, mangiaguerra, e mazzacane.

Io mo strasecolanno , comm' a chillo,
Ch' à lo Nilo , dapò che cresce, e manca,
Vede de na raionchia, ò forecillo
Scire nà capo, e mo nò cuorpo, ò n'anca,
Pò tutto sano zompa comm' à grillo :
Cossi bedea da chella pezza ianca
Scire miezo piatto , ecco ca sano
Se vede appriesso, ed io tutto lo schiano.

E mentre cò gran gusto stea à menare
Li guoffole, e pò shioshio à na vorraccia,
Ecco de brocca no giouene appare,
E me dice, bonni , prode te faccia,
Respose io benmenuto, ed affettare
Lo fece, e nce lo tiro pe le braccia,
Illo se fa pregare, e pò se lassa,
Io cieo, che faccia quinnece, ma scassa.

Magnato c'happe, disse, homnio da bene,
Tanta robba a no luoco ch'è desierto,
Dimme de razia , dimme donde vene ?
Ch'io, pe te dire, me stopesco cierto,
Dillo , e te iuro, Dio me guardi à tene,
Viaggio di Parnaso D Ca

Ca no lo dico , se ne iessè spierto,

Dillo, si forasc' uo, è t'è portato.

Da chi compune chello c'haie magnato ?
Testemmonia vosta, io le respòse,

Arrallò sia, che dice ò cammarata ?

Pè mente non me passano ste cose,

Nnante nè fosse mammama crepata,

Ma Febbo sta ventura me refosse,

(O potta, sta parola m'è scappata)

Dilla, isso dice, ed io te mostrarraggio

Fuorze a te pò, na bella cosa c'haggio.

Tanto me disse , c'hauerria scommuosso

N'hommo, se stato fosse bè de stucco,

E pe' leuare millo pò dà duosso,

Io le scopierze de lo stoiauucco ,

Ed isso disse, vreciole a no fuosso ,

Doue me nce sia fatto no trauucco,

Se non và no tesoro, ma à sto shianco,

Porto na cosa, che non vale manco.

E s'asciogliette da lo stregnettro

No fiasco de ligno lauorato,

Decenno, vide , haggio quarcosa io puro,

Se be Nparnaso maie non songo stato,

Po dice, ò vuie che state à chesto scuro,

Scite mò prietto a chesto scampagnato,

Ed ecco scero , lustre comm' a Sole,

Chi me lo credarria ? sette fegliole.

De le quale, vna disse , ecco Signore

Le schiaue toie, commannale a bacchetta,

Ed isso disse, ò femmene de nore

Portate no cauallo a la Ginetta ;

Io mo fora de me pe lo stopore

Teneua mente, e steua a la veletta,

Cor-

Correno chelle ardite comm' à gallo,
E subbeto portaro lo cauallo.

E pò tornaro dintò lo fiaschetto.

E chillo crauaccaie pe ghir fenne,
Io mò, che bisto hauea stò granne affetto,
De stò fiasco gran golio me venne:
E disse, ammico mio buono, e perfetto,
Io non haggio n' Agresta ccà, ne penne;
P' accattarè tesoro accossi raro,
Ma cagno co stò mio, se l'haie da caro.

Me contento, dis'isso, de cagnare,
E accossi cignaie mo, e camminaie,
Ma quanno venne l'hora de magnare,
Ch'auca pigliato chinzo m'addonaie,
E quanno steua pe me desperare,
A lo fiasco mio meglio penzaie,
E dico, scite femmene aggarbate,
E mò lo stoiauucco me portate.

Ed ecco chelle sciute, ecco a no punto
Vene lo stoiauucco, io sedo nterra,
Lo stenno, e mentre faccio lo musso vnto,
Manca la fame de me fare guerra,
Gia steua nfine, ed ecco n'autro accunto,
Noñ faccio se de Trocchia, ò de la Cerra
E me saluta, io lo saluto, e dico
Addoue vaie? da done viene, ammico?

Isso s'assetta nannze, e pò me dice,
Vengo, pe te la dire, da na parte,
Ch'è meglio asfaie del l'Isola felice,
Che maie non basto a diretenne parte,
Sacce ca pe la via notte me fice,
Ch'io nō vedea ne chesta, o chella parte,
E mentre chiagno, na bella feglola

Vene, m'asciucca l'uocchie, e me cōzola.
O ch'isce bella, a l'uocchie d'ogne Fata.
Che pareua na penta palommella,
Portaua no dobbretto de colata,
Na cauza rossa, ò Dio quant'era bella,
Na capo à la Scozzese, che ntrezzata
Nc' era na verdegaià zagarella,
N'uocchio, che frezziaua, e no mussillo.
Da vasarelo sempe a pezzechillo.
Pò fatto a lo terreno no pertuso,
Me fa scire pe chillo a no palazzo,
Pe te la dire, io ne restaie confuso,
E n'happé a deuentare quase pazzo,
Pe na grada asaiè lustra saglio suso
A na sala, addoue erano à sollazzo
Cient'autre Fate belle comm'a n'oro,
Ch'ogn'vna porta ncuollo no tesoro.
Io faccio lleuerenzia, e tremmo, e a pena
Pozzo tenè li curze pe paura,
Ma spara na vocella de Serena,
Datte armoj, c'haie trouato la ventura,
Non t'allecuorde quanno a chella arena
Steuà a dormire na lacerta scura,
E no villano accidere la voze.
Ma pe te la pretata nò le coze?
Che gridaste, sta fermo, no le dare,
Che t'hà fatto sta scura pouarella?
E lo vraccio faciste sbariare;
Sacce mo cammarata, io songo chella,
Mo te volimmo ccà remmonerare,
Pocca ogn'vna de cheste m'è sorella,
Azzò ch'ogn'autro po venga à sapere,
Ca non ce perde maiè, chi fa piacere.

Che.

Chesto ditto, me portano vedenno
 Chisto bello palazzo ntuorno ntuorno,
 Non pozzo dire quanto era stopenno,
 Se te parlasse chisto, e n'auto iuorno,
 Da lo palazzo a no ciardino scenno,
 Che n'hauerria lo Campo Eliso scuorno;
 Ogni frutto ch'a l'aruolo è mpizzato,
 Quale è ncomposta, e quale è sceroppato.

Scorre da na fontana Moscaticello,
 Da n'autra Manciguerra, e Falanghina,
 Chesta de latte fa no shiummecicello,
 Chella de mele corre a la marina,
 Sponta a lo prato ccà no fruttecicello,
 Llà no pede de puorco gnielatina,
 Na pergola ncè po de gran bellezza,
 Carrega tanto, che se chiega, e spezza.

Lloco de Nola nce sò sopressate,
 Lloco sò de Bologna faucicciune,
 Lloco faucicce belle speziate,
 Lloco a fiasco cascauallune,
 Lloco nnoglie à Ghiugliano nmottonate,
 Lloco presotta, e caso a buone cchiune,
 Che me parze vedere speccicata
 Porra Caputo, quanno sta parata.

Lloco sotto me fanno no banchetto,
 Autro che de sarache, e de radice,
 Vuoie autro ca me dezero nguazzetto,
 Tutta la stremmeta de la Fenice?
 L'aucielle paradise happe nbrodetto,
 La peo chelletta fù starne, e pernice,
 Scomputo de magnare, ecco ogni Fata
 S'auza a fare na bella mpertecata.

Se chesta fu na vista de Signore,
 Penzalo tu, ca no lo pozzo dire.
 Duraie lo ballo pe no paro d'hore,
 Che propio nbruodo io me n'hauiette à ghire,
 Na cetola sonaua de stopore,
 Vna de chelle, che facea dormire,
 N'autra d'esse sonaua no strommiente,
 Che doie corde faceuano pe ciento.

Fatto lo ballo nce ne iammo arreto

A lo palazzo, ed a no cammariello

(Che steua a no reconcolo segreto)

Sò portato, e me danno no cortiello,

Decenno, hagge affaie caro sto segreto,

Ch'addouonca lo mpizze, e dice, auciello,

Subbeto è fatto, e cinto a tutte banne

De forte mura no Castiello gtanne,

Io tutto alliegro piglio sto presiento,

E le rengratio, e basole le mano

E perche da lo suonno hauea trommiento,

Se n'addonaro, e bello pe la mano

A no lietto me mesero d'argiento,

Addoue m'addormiette chiano chiano,

Me sceto, allizzo, e raspo lo caruso,

E trouome da fora lo pertuso.

Mentre ch'isso contaia, io spantecato

Steua à sentire chisto bello cunto,

E po le dico, se te vea nzorato,

Fà che ne vea la proua a chisto punto,

Ca po te dico, e restarraie spantato.

Che bale-chisto se bè sta sedunto,

De razia, disse chillo, e quanto mpizza,

Decenno, auciello, e no Castiello sguizza.

Io stoppafatto resto, e mantenere,

Volenno la prommessa, faccio ncoppa

Lo stoiauncco priesto comparere

Le menestre addorose a chioppa a chioppa:

Ch'isso pe mmarauiglia, e pe piacere

Smerzaie l'uocchie, e restaie cōmo de stoppa,

Io dico, mo lo pesco st'aseniello,

Ed à ste granfe vene lo cortiello.

E dico, bè n'è cosa da stordire?

Ed isso à me, strafecolo a fe mia,

Ed io soggiongo; lse me vuoie faurire,

A cagno, e scagno fare mò vorria,

Isso mostraie desgusto de sto dire,

E respose sgregnufo, arraffo sia,

Che pe na pezza io chisto voglia dare,

Crisce la dosa se v ueie ciannellare.

Io che n'era peccato, esò corriuò;
L'offerze lo fiasco pe refosa,
Mso vede la proua, e comm' arciuo
Subbeto canoscenno ch'è gran cosa,
Se contenta, io preiato parto, e arriuò
Sempe sautanno frisco comm' a rosa,
La fera a no casale d'Arbanise,
Ma co gran famme, e non m'ashio tornise.
Pagame dice l'Oste, e ba tè mpienne,
Ca non s'alloggia ccà senza denare,
Io respose, sta zitto frate ntiene,
Ca no bello Castiello voglio fare.
Se tu si ntiso, li piede nce stienne,
Lebrecaie chillo, appila non parlare,
Ca pe certa raggione sottestato
Non ce vonno castiello frauecato.
Ios filo zitto, e mutto, e guatto guatto,
Conzidera tu mò cò che dolore,
E pe famme facea quase lo tratto,
Commo cannela, che senz'voglio more,
O male celleuriello, e che m'haie fatto?
Decea, c'hauea na cosa de valore,
E me la fice bello cottiare
Lo Corriello haggio, e n'haggio che tagliare.
Lo bene non se stimma, ò prezza maie,
Se non se perde, ò stoiauuco amato,
Ch'iere vero confuorto de li guaie,
Doue si ghiuto, e chi me t'ha leuato?
Fiasco mio perche te desprezzaie?
Che mò me l'hauarisse retornato,
Magna verlasccio, ohimme stò pe despietto
Pe me mpizzare stò cortiello mpietto.
Douonca vao tento la sciorite mia,
Pe fare a qualche parte stò castiello,
Ma chesta tene ognuno ch'è pazzia,
E dice, a lo spetale, o poueriello,
Vago a Spagna, e a Shiorena, e manco cria,
Faccio se be ne mostro lo modiello.
Vago a tant'autre Terre, ognuno dice
Va piglia le cient'ous, hommo nfelice.

E dapò tanta guaie, e tanta stiente,
 A Napole mio bello so tornato,
 Ma non trouo ne ammice, ne pariente.
 Da quale potesse essere aiutato,
 Puro sta cosa a me non se dà niente,
 Ca m'aggio ncato rozzola chiauato,
 A crepantiglia d'ogne caperrone,
 Co sto cortiello fareme barone.

Tutta la notte penzo a lo designo,
 E chiammo gente, e faccio mille patte,
 Mò ne' acconcio na sala, e no sopigno,
 Mò tronere, mò fuosse, e torre chiatte,
 Mò cantine pe lagrema, e foruigno,
 Mò porte, mo fenestre, e case matte,
 Quanno è pò fatto, che me stisso spanta,
 N'haggio luoco pe farence-la chianca.

De Lemos chillo Conte, che fa guerra
 A la Nmidia, e a lo tiempo, me prommese
 De fareme acquistare tanta terra,
 Che lo potesse fare a sto paese,
 Ecco se parte, e sta speranza sfera,
 O fortuna contraria ad aute nprese!
 Lo frate puro s'è de me scordato,
 Che m'hauea de speranze nmottonato.

Macare me potesse cenzoare
 Quarcosa nmiero de capo de monte,
 Oh che bello Castiello vorria fare,
 Addoue se traesse pe no ponte,
 Tut o de ntorno lo vorria murare,
 E po stare dinto comm' a conte,
 Che magne po ? lo venno, e a che palazzo
 Po staie ? ne faccio n'autro, ohimmè so paza

Sto penziero m'allarga da la Musa,
 C'asto scire me fa de celleuriello,
 E chisto pe freneteco m'accusa,
 A tutt'hore penzanno a sto castiello,
 Ad ogne bene m'e la porta chiusa,
 Mannaggia chi me de ze sto cortiello,
 Cossi bà chi è catarchio, ed e 'pacchiano,
 E CERCA meglio pane, che de grano.



5671



BIBLIOTECA

III.^a

SCAFFALE

PLUTEO.

N.º CATENA.